

STENOGRAM

Druge Radne sjednice Skupštine Kantona Sarajevo
održane u srijedu, 26.12.2018. godine sa početkom rada u 10,00 sati

Predsjedavajući Elmedin Konaković (u daljem tekstu predsjedavajući):
poštovane kolegice i kolege otvaram Drugu Radnu sjednicu Skupštine Kantona Sarajevo.
Himna BiH.
Pozdravljam uvažene kolegice i kolege zastupnike, članove Vlade i uvažene goste, kao i
predstavnike medija koji prate rad današnje sjednice.
Svima nama želim uspješan rad i ugodnu radnu atmosferu.

Prema evidenciji Službe, sjednici prisustvuju 33 zastupnika, što je dovoljan broj za punovažan rad i odlučivanje.

Izostanak sa ove sjednice opravdao je Haris Pleho.

Prijedlog dnevnog reda Druge Radne sjednice Skupštine Kantona Sarajevo utvrdio je Kolegij Skupštine na sjednici održanoj dana 14.12.2018.godine.

Na osnovu člana 73. Poslovnika Skupštine Kantona Sarajevo Kolegij Skupštine Kantona Sarajevo, dana 20.12.2018. godine, prihvatio je zahtjev Vlade Kantona Sarajevo, da se Prijedlog dnevnog reda Druge Radne sjednice, dopuni sa sljedećim tačkama:

1. Prijedlog odluke o privremenom finansiranju potreba Kantona Sarajevo za period od 01.01. do 31.03.2019. godine (razmatraće se kao tačka 2.);
2. Prijedlog odluke o davanju saglasnosti na izmjene i dopune Finansijskog plana Javne ustanove „Služba za zapošljavanje Kantona Sarajevo“ Sarajevo za 2018. godinu sa Odlukom o izvršavanju Izmjena i dopuna Finansijskog plana Javne ustanove „Služba za zapošljavanje Kantona Sarajevo“ Sarajevo za 2018. godinu (razmatraće se kao tačka 3.);

PRELAZIMO NA UTVRĐIVANJE DNEVNOG REDA DANAŠNJE SJEDNICE.

Na osnovu naprijed navedenog, Prijedlog dnevnog reda današnje, Druge radne sjednice, glasi:

1. Poslanička/zastupnička pitanja, inicijative i odgovori;
2. Prijedlog odluke o privremenom finansiranju potreba Kantona Sarajevo za period od 01.01. do 31.03.2019. godine;
3. Prijedlog odluke o davanju saglasnosti na izmjene i dopune Finansijskog plana Javne ustanove „Služba za zapošljavanje Kantona Sarajevo“ Sarajevo za 2018. godinu sa Odlukom o izvršavanju Izmjena i dopuna Finansijskog plana Javne ustanove „Služba za zapošljavanje Kantona Sarajevo“ Sarajevo za 2018. godinu;
4. Prijedlog odluke o potvrđivanju Vlade Kantona Sarajevo.

Molim zastupnike da se izjasne o predloženom dnevnom redu. Možete glasati. Molim rezultate glasanja.

Za je glasalo 32 zastupnika, protiv ništa i suzdržano ništa. Nije glasao 1. molim da provjerite kartice, neko nije dobro ubacio karticu. Zastupnik Zvonko Marić ina intervenciju. Izvolite kolega Mariću.

Poslanik/zastupnik Zvonko Marić:

dame i gospodo, drugarice i drugovi, poštovani gledatelji, gdine predsjedavajući ja bih imao jedan praktičan prijedlog. Ukoliko je moguće da ovu prvu tačku dnevnog reda prebacimo kao posljednju iz prostog razloga da bi mogli obaviti neke druge važne poslove, a istovremeno ne bi uskratili niti gledatelje niti sve zainteresirane građane za onaj institut koji se zove zastupnička pitanja i inicijative. Mislim da bi bilo to svrsishodno i veoma praktično. Hvala vam.

Predsjedavajući:

zahvaljujem kolega Mariću. Bilo je prakse, može li režija malo ovu mikrofoniju ispratiti? Bilo je prakse da se tačka 1. po prijedlogu zastupnika razmatra kao zadnja. O tome se izjašnjava Skupština Kantona. Ja ću vaš prijedlog dati na glasanje. Režija molim vas da se zastupnici izjasne o prijedlogu kolege Marića da se tačka 1. Poslanička pitanja i inicijative razmatra kao tačka 4. a tačke 2,3,4 postaju 1,2, i 3.

Možete glasati, izvolite. Molim rezultate glasanja.

Za je glasalo 24, protiv je bilo 7, 1 je bio suzdržan. Tako da konstatujem da smo usvojili prijedlog kolege Marića. Tačka Poslanička pitanja i inicijative razmatrat će se kao tačka 4.

Prelazimo na

AD – 2.

PRIJEDLOG ODLUKE O PRIVREMENOM FINANSIRANJU POTREBA KANTONA SARAJEVO ZA PERIOD OD 01.01. DO 31.03.2019. GODINE

Molim predstavnika vlade da da uvodnu riječ. Ima li predlagača. Ministar Lukić će, nema premijera i ministra finansija. Ministre Lukić izvolite.

Ministar Čedomir Lukić:

zahvaljujem se predsjedavajući. Uvaženi predsjedavajući, dopredsjedavajuća, dopredsjedavajući, sekretaru, poštovane zastupnice i zastupnici, kolege, članovi Vlade, gosti, građani Kantona Sarajevo, ja sam dobio zaduženje od strane premijera, koji je imao obaveze da evo prenese samo informaciju da je Vlada pripremila Odluku o privremenom finansiranju iz jednostavnog razloga, termina u kojem se nalazimo kako bi u januaru mjesecu 2019, a do donošenja budžeta za 2019 Kanton mogao funkcionisati. To je bila odluka koja je vezana za potrebe svih građana Kantona Sarajevo i ona je predložena od strane Vlade. Toliko. Hvala.

Predsjedavajući:

zahvaljujem ministre Lukiću. Da li predstavnici žele riječ? Niko se ne javlja. Ima li pitanja. Ne vidim prijavljene. Da li ima raspoloženih za raspravu, otvaram raspravu. Ako se niko ne javlja, zaključujem raspravu i

PREDLAŽEM ZASTUPNICIMA DA PRISTUPE IZJAŠNJAVANJU O PRIJEDLOGU ODLUKE O PRIVREMENOM FINANSIRANJU POTREBA KANTONA SARAJEVO ZA PERIOD OD 01.01. DO 31.03.2019. GODINE. ZA JE GLASALO 33, NIJE BILO PROTIV I NIJE BILO SUZDRŽANIH. KONSTATUJEM DA JE SKUPŠTINA DONIJELA ODLUKU O PRIVREMENOM FINANSIRANJU POTREBA KANTONA SARAJEVO ZA PERIOD OD 01.01. DO 31.03.2019. GODINE.

Sljedeća tačka je:

AD – 3.

PRIJEDLOG ODLUKE O DAVANJU SAGLASNOSTI NA IZMJENE I DOPUNE FINANSIJSKOG PLANA JAVNE USTANOVE „SLUŽBA ZA ZAPOŠLJAVANJE KANTONA SARAJEVO“ SARAJEVO ZA 2018. GODINU SA ODLUKOM O IZVRŠAVANJU IZMJENA I DOPUNA FINANSIJSKOG PLANA JAVNE USTANOVE „SLUŽBA ZA ZAPOŠLJAVANJE KANTONA SARAJEVO“ SARAJEVO ZA 2018. GODINU

Prijedlog odluke ste dobili u dopunskom materijalu. Molim predstavnika Predlagača da podnese uvodne napomene. Bit će to direktor Službe. Gospodine Bekto izvolite.

v.d. direktor Muhamed Bekto:

služba za zapošljavanje Kantona Sarajevo, ako ne znate, ja sam trenutno vršilac dužnosti Službe za zapošljavanje Kantona Sarajevo. Zovem se Muhamed Bekto, i na toj poziciji sam,

evo sa jučerašnjim danom, nepunih pet mjeseci. Dolazim iz službe za zapošljavanje iz reda uposlenih, tako da problematiku i tematiku Službe za zapošljavanje mogu reći s pravom poznajem, i svjesni smo da kao i Služba kao i sve moramo donijeti neke promjene iz razloga zato što na evidenciji za nezaposlene sa jutrošnjim danom imamo 62.590 osoba. Služba za zapošljavanje Kantona Sarajevo je uputila rebalans Službe za zapošljavanje gdje je Vlada Kantona to usvojila. Evo imamo priliku na Skupštini da to isto tako uradimo. Razlog je prenos ogromni broj sredstava Službe za zapošljavanje Kantona Sarajevo i ako možete vidjeti u materijalu da smo tih od 14.000 prenijeli sredstava da je 10.188.368 KM je za aktivne mjere zapošljavanja. Što znači da m i već u pripremi imamo dva javna poziva koje ćemo odmah poslije, nadam se danas uspješnog usvajanja rebalansa objaviti dva javna poziva gdje ćemo angažovati iz Kantona Sarajevo 1271 osobu koja se nalazi na evidenciji nezaposlenih. Tu imamo 700 osoba pripravnika budućih i 571 osobu bez obzira na radno iskustvo, stručnu spremu koju ćemo isto angažovati od poslodavaca iz Kantona Sarajevo. Ja ću iskoristiti priliku da kažem i nadam se i vidim, kao što vidimo da prolazi vrijeme podobnih, dolazi vrijeme sposobnih i veoma mi je drago, posebice meni jer mislim da ostanem u ovom Kantonu i ovoj državi i svoje dijete da usmjerim i usmjerenje da bude svih nas, i prošle Vlade i buduće i ove skupštine da pokažemo da stvarno nešto radimo i te kakav da imamo zadatak, prvenstveno služba za zapošljavanje Kantona Sarajevo ima zadatak jer ima 62.000 nezaposlenih. Kao što sam rekao za Aktivnu mjeru zapošljavanja smo izdvojili 10.188.000, za osobe koje idu u stečaj, to je proces likvidacije, stečaj i likvidacije i prestrukturiranje preduzeća tu je 4.035.000, obaveza Službe za zapošljavanje Kantona Sarajevo je također transfer Fondu za profesionalnu rehabilitaciju i zapošljavanje lica sa invaliditetom, to vam je 5% od mjera. To je 293.094 KM. Služba za zapošljavanje Kantona Sarajevo stoji na dispoziciji novoj Vladi i Skupštini da mora odgovoriti zadacima i poslovima koji se stave pred nju. Mislim da možemo zajedno puno toga uraditi, da nam predstoji i te kako buran period, da moramo pokazati ne samo pričom već rezultatima. Evo služba za zapošljavanje Kantona Sarajevo je pripremila dva programa za 10.188.000 za 1281 koja se nalazi na evidenciji za nezaposlene u Kantonu Sarajevo. Nadam se da ćete imati razumijevanja i prema ljudima koji idu u penziju, prema stečajcima da ćete uzeti u razmatranje i usvojiti rebalans službe za zapošljavanje za 2018.godinu. Ako imate pitanja stojim na dispoziciji i nadam se da ćemo se susretati, ne moram biti kao v.d. direktor, a kao neko ko stvarno obiluje iskustvom i vrlo sam spreman i ponosan jer smo imali sa našom ministricom resornom i te kakvo razumijevanje prema populaciji koju mi zastupamo i mislim da puno, puno toga možemo donijeti. Čak imamo i našeg bivšeg uposlenika u redu Skupštine koji shvata problematiku u stvarno moramo pokazati ljudima i reći koji su problemi, a na koje mi možemo kao društvo uticati i naravno pozitivno promijeniti. Toliko od mene, ako imate pitanja stojim na dispoziciji. Hvala još jednom.

Predsjedavajući:

zahvaljujem gospodine Bekto. Da li predstavnici radnih tijela žele riječ? Niko se ne javlja? Ima li pitanja? Nema prijavljenih za pitanja. Otvaram raspravu. Ako nema niko prijavljen za raspravu, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA IZMJENE I DOPUNE FINANSIJSKOG PLANA JAVNE USTANOVE „SLUŽBA ZA ZAPOS LJAVANJE KANTONA SARAJEVO“ SARAJEVO ZA 2018. GODINU SA ODLUKOM O IZVRŠAVANJU IZMJENA I DOPUNA FINANSIJSKOG PLANA JAVNE USTANOVE „SLUŽBA ZA ZAPOS LJAVANJE KANTONA SARAJEVO“ SARAJEVO ZA 2018. GODINU.

Molim zastupnike da se izjasne. Molim rezultate glasanja.

ZA JE GLASALO 33, PROTIV I SUZDRŽANIH nije bilo.

KONSTATUJEM DA JE SKUPŠTINA DONIJELA ODLUKU O DAVANJU SAGLASNOSTI NA IZMJENE I DOPUNE FINANSIJSKOG PLANA JAVNE USTANOVE „SLUŽBA ZA ZAPOSŁJAVANJE KANTONA SARAJEVO“ SARAJEVO ZA 2018. GODINU SA ODLUKOM O IZVRŠAVANJU IZMJENA I DOPUNA FINANSIJSKOG PLANA JAVNE USTANOVE „SLUŽBA ZA ZAPOSŁJAVANJE KANTONA SARAJEVO“ SARAJEVO ZA 2018. GODINU.

Prelazimo na sljedeću tačku,

AD – 4.

PRIJEDLOG ODLUKE O POTVRĐIVANJU VLADE KANTONA SARAJEVO

Prijedlog navede Odluke i biografije kandidata dobili ste uz poziv za sjednicu.

Zbog javnosti i zbog gostiju podsjetio bih vas da sam po prijedlogu Kluba zastupnika Naše stranke, a na osnovu člana 203. stav 2. Poslovnika Skupštine Kantona, uz konsultaciju sa dopredsjedavajućim, donio Odluku o imenovanju kandidata za mjesto premijera Kantona Sarajevo gdina Edina Forte, dana 14.12.2018.godine.

Kandidat za mjesto premijera Kantona Sarajevo u skladu sa članom 204. stav 1. Poslovnika Skupštine Kantona Sarajevo dostavlja predsjedavajućem Skupštine prijedloge kandidata za ministre.

Gospodin Edin Forto je navedene prijedloge dostavio 14.12.2018.godine i iste sam proslijedio Komisiji za izbor i imenovanje i administrativna pitanja Skupštine Kantona, koja utvrđuje prijedlog odluke o potvrđivanju Vlade Kantona Sarajevo.

Komisija za izbor i imenovanje i administrativna pitanja je na svojoj sjednici od 14.12.2018.godine utvrdila Prijedlog odluke o potvrđivanju Vlade Kantona Sarajevo.

Ja bih sada zamolio kandidata za premijera Kantona Sarajevo, gospodina Edina Fortu, da se obrati ovoj Skupštini, iznese svoj Ekspoze i ukratko predstavi buduće ministre i ministrice u Vladi Kantona Sarajevo. Gospodine Forto izvolite.

Oprostite, jedna tehnička stvar, po protokolu pozovite, praksa je da ministri koji su predloženi budu u sali, oni su u zgradi. Protokol neka pozove buduće ministre u Vladi Kantona Sarajevo da uđu u salu. Ako možete sačekati samo jedan minut i molim vas da im obezbijedite mjesta. Na kojoj su strani, na desnoj? Nenad je predložio da budu u istom redu. Službe molim da se samo malo pomjere. Ovaj prvi dio sjednice je završen brže nego što je očekivano, prve dvije tačke, zato mali zastoј, molim vas za malo strpljenja. Zastupnik Mirza Čelik ima riječ. Javili ste se kolega.

Evo samo malo sačekajte da uđu ministri, da ne bude žamora i buke. Smo ako možete malo. Zahvaljujem Protokolu i ministri. Izvolite kolega Čelik.

Poslanik/zastupnik Mirza Čelik:

zahvaljujem predsjedavajući. Evo pozdravljam sve prisutne kao i gledaoce pored malih TV ekrana. Ja sam mislio u pauzi ovoj dok čekamo ulazak da dobijemo Ekspoze ako je moguće ili elektronski ili već kako možemo dobiti printano, evo čisto da bi mogli pratiti mandataru vezano za izlaganje o Ekspozeu. S tim u vezi ja bih vas molio da ako možemo ovaj Ekspoze dobijemo elektronski pa da služba nam proslijediti kako bi mogli pratiti izlaganje novog mandataru.

Predsjedavajući:

zahvaljujem kolega Čelik. To je tehničko pitanje. Evo molimo službu da. Elektronski se postavlja sada vjerovatno elektronski i ako mogu apelovati na vas da ne pravimo troškove i na

Službu da što prije okači Ekspoze. Možete na stranici svi pratiti, ko ima, a vjerojatno imate i pametne telefone i kompjutere da možete pratiti ovaj Ekspoze. On će naravno biti objavljen, nema naravno nikakve dileme da ga trebaju zastupnici dobiti, čitati i pratiti. Sada vas molim da kolega Forto iznese svoj Ekspoze i molim mir u sali. Mediji vas ću zamoliti da budete malo tiši, vrlo je ozbiljan trenutak. Izvolite kolega Forto.

Kandidat za premijera Edin Forto:

Uvaženo rukovodstvo Skupštine, poštovane zastupnice i zastupnici, dragi gosti i predstavnici medija,

Zahvaljujem se Predsjedavajućem Skupštine i njegovim zamjenicama i zamjeniku na ukazanoj prilici da u narednih tri do četiri sata vam objasnim kako ćemo voditi Vladu u naredne četiri godine. Neće biti tri do četiri sata, bit će značajno kraće. Vi ćete evo prvom prilikom kada službe okače ovaj dokument imati priliku da vidite da je ovaj Ekspoze koji ću vam sada predložiti ustvari dokument koji je temeljen na nizu ozbiljnih pregovor šest stranaka koji imaju predstavnike u ovom sazivu Skupštine. Ovo je iskorak, ovo je prvi put da imamo takav dokument koji je baza djelovanja jedne Vlade. Dokument na kojem se temelji ovaj ekspoze će biti u dodatku ekspozea i već je tako pripremljen pa ćete moći vidjeti svih 29 principa po kojima ćemo djelovati i preko 300 mjera koje su posložene po resorima. Moj zadatak je da u najavi rada ove Vlade pružim nešto što je možda najdeficitarnija roba u posljednje vrijeme u BIH, tako i Kantonu Sarajevo, a to je nada. Želim da ova Vlada vrati nadu građanima da ćemo napraviti iskorak u načinu vođenja politike. Kroz ovaj ekspoze prvo ću vam govoriti u uvodu šta je u suštini nama najbitnije, objasnit ću vam neke od principa po kojima ćemo djelovati, i kratko ću proći kroz resore da vidite šta je u svakom resoru prioritet u naredne četiri godine. Ono što nas muči sve vas, sve građane, nas koji dolazimo u ovu Vladu je masovni odlazak ljudi iz BIH. To više nije slučaj samo da kako se nekada znalo reći pasivnijim dijelovima naše države. To je sada slučaj i sa najrazvijenijim dijelom BIH, a to je upravo Kanton Sarajevo. Šta je to što se dogodilo da naši ljudi odlaze, ne više samo u potragu za poslom. Sve više odlaze ljudi koji imaju dobre poslove, ljudi koji su materijalno situirani. Odlaze ljudi sa porodicama. Nisu to više odlasci kao nekada da glava kuće ode da nešto zaradi pa šalje novac nazad. Ljudi se spakuju i odu. Programeri, inženjeri, kovači, električari, profesori, zdravstveni radnici, ljudi odlaze. Bez obzira na svoje materijalno stanje. To je upravo zbog toga, što ljudi roditelji ne vide ono što je potrebno za njihovu djecu da b i vjerovali da je upravo Sarajevo mjesto gdje žele da ostanu i da žive. Oni ne vide gdje će upisati svoju djece u predškolsko, ne vide u kakvom obrazovanju će ih pripremiti za utakmicu koja ih čeka, ne samo u BIH, nego na tržištu EU. Ljudi jednostavno gube nadu. Naš zadatak je da bar probudimo tračak nade da će se nešto promijeniti. U proteklih 20 godina, a ja evo u svom izlaganju prethodne četiri godine kao zastupnik Skupštine gdje vi sada sjedite. Uvijek kada sam krivio Vladu za neke stvari koje su strukturalne, nisam nikada rekao vi, ova Vlada, uvijek sam govorio niz kontinuitet Vlada, koja je imala nebrigu prema određenim pitanjima. Upravo zbog te nebrige u kontinuitetu niza Vlada i smo doživjeli da se ljudima zgadila politika. Ljudi duboko vjeruju da je struka izašla iz politike da su stranački interesi ono što ej prvo i posljednje kada se govori o kriterijima za rad. O kriterijima za rad i u vrlo stručnim pozicijama kao što su neke firme koje se bave npr komunalnom djelatnošću. Zašto to mora biti neki politički radnik, zašto ne može biti menadžer. Ako ćemo probuditi tračak nade u ljudima da će struka se vratiti ponovo na prvo mjesto u ovom gradu, evo neka to počne da se više neće niko zaposliti bez konkursa. A znamo da su zaobilaskom procedura, pa čak koristeći procedure koje su u ovom trenutku zakonite, mnoge institucije i firme zapošljavaju ljude bez konkursa. Prime ih na određeno pa onda oni u zakonskom roku dok mogu imati ugovor na određeno, postanu stručni za tu poziciju, i onda im nakon par godina raspišu konkurs za to mjesto i gle čuda oni budu najstručniji za to mjesto jer već tu rade. Želimo ukinuti praksu da

imate imati vezu i poznanstvo da bi radili u državnoj upravi. Ono također što želim naglasiti je jedna nesretna okolnost a to je činjenica da je rad u državnoj upravi rad u institucijama čiji je vlasnik Kanton postao najprestižniji posao na našem tržištu rada. Imate činjenicu da ako izuzmete finansijski sektor u koji spadaju banke, osiguravajuća društva itd, prosječna plata u državnom sektoru je duplo veća nego prosječna plata u privatnom sektoru. I sada kada imate roditelje koji hoće da pomognu svojoj djeci, neće reći idi kod privatnika radi gdje je duplo manja plata, nego kopaju rukama i nogama da djecu ubace u državne firme. I to je jedna nesretna okolnost. Mi moramo raditi na promjeni klime gdje će upravo firme privatnici od kojih svi mi primamo platu, od kojih zdravstveni sektor i obrazovani sektor primaju platu. Od privatnika imate i vrtiće i bolnice i škole i sve državne institucije, oni pune budžete. Moramo im dozvoliti da dišu, da rastu, da rade i najvažnije da zapošljavaju. Dakle, mi nećemo insistirati na masovnom zapošljavanju u državnom sektoru. Ali tamo gdje struka bude potrebna zapošljavat ćemo po javnom konkursu. Ozbiljnost na koju ćemo to raditi ćete sami vidjeti. To će biti vrlo vrlo jasno oglašena radna mjesta. Još jedna stvar koja je bit će prioritet ove Vlade a i nešto što ste čuli od mnogih od nas u proteklom periodu postala je stvar nekako kulture našeg življenja, počeli smo da prihvatamo da ono što je vani neprihvatljivo, kod nas postaje nekako standard življenja. Imali smo devet godina redukcije vode i postalo nam je to nekako normalno. I nakon noćnih redukcija pojavile su se dnevne redukcije. I onda nekako ljudi opet prihvate pa eto imaju dnevne redukcije. I uvijek postoje neka opravdanja. Postalo je normalno da niko i nikada ne zna kada dolazi sljedeći trolejbus. Jednostavno ne znate. Ja sam imao situaciju gdje sam htio ići na kombi i kaže mi drug koji se prevozi kombijem u jedan padinski dio grada kaže onu ženu znam pitaj nju, ona zna je li prošao prošli kombi pa će ona znati kada će doći sljedeći. Ako neće doći ona će ti reći neće doći nikako. Dakle ljudi imaju nekako u mikro svijetu svom razvijeno i znaju se snalazi u sistemu vrijednosti gdje je potpuno normalno da kombi, koji je upisan po Zakonu linija upisana, ljudi tamo neki primaju platu, to sve mi plaćamo, građani, kombi neće nikako doći. To je nama postalo normalno. I više mislim da nije stvar para ni investiranja, mislim da trebamo to nekako gledati kao stvar ponosa. Da nekako nam postane stvar naše lične odluke da nećemo to više prihvatiti. Pa koliko košta da košta. Nećemo prihvatiti redukcije vode, nećemo prihvatiti neredovan javni prijevoz, prljave ulice, razrovane parkove, idemo malo poraditi na tome gdje će svi građani osjetiti da se tu pravi iskorak. Način na koji ćemo riješiti neke od tih stvari je npr. javni prijevoz to je nešto što nas puno boli, donijet ćemo Strategiju koja će objasniti kako će izgledati javni prijevoz u Kantonu Sarajevo, ne u našem mandatu, nego za 20 godina. Uključit ćemo struku, urbaniste, vidjet ćemo gdje se razvija naš Kanton, gdje se razvija naš grad. Koji su to dijelovi grada gdje ćemo postaviti tramvaj, gdje ćemo razviti trolejbusku mrežu, u kojim dijelovima grada ćemo zadržati kombi i autobuski prijevoz i na koji način ćemo uvezati da sve to funkcioniše a javni prijevoz nije samo državna firma. Javni prijevoz je državna firma, privatni prijevoznici, taksi prijevoznici. Zakonom o javnom prijevozu moramo urediti odnose svih ovih aktera i imati jedan normalan javni prijevoz koji ima svaki normalan grad u Europi. Tačnije u razvijenom dijelu Europe kojem mi težimo. Mislim da je vrijeme da na ove stvari koje su sastavni dio svakodnevnog života da prestanemo prihvatiti opravdanja kako to kod nas ne može, može u Njemačkoj može u Makedoniji. Ako može na drugom mjestu, zašto ne bi moglo kod nas. Jedna stvar koja nam je vrlo bitna želimo vratiti nadu mladim majkama da planiranjem i rođenjem djeteta ne gube pravo na radi i na karijeru. Kako ćemo to ostvariti? Ukinut ćemo liste čekanja za predškolske ustanove. Ovo više nije stvar prava žena ili socijalnih potreba. Planiranje porodice je nešto što je već i u razvijenim državama Europe postalo ključni segment ekonomskog planiranja. U situaciji, a govorio sam o tome gdje ljudi masovno odlaze, gdje nam fale, uskoro će nam faliti radne snage u svim poljima, mi imamo ogroman broj majki koje sjede kući jer ne mogu priuštiti da negdje dijete ostave da idu tražiti posao. Ukinut ćemo liste čekanja za predškolske ustanove. Svaka majka, svaka porodica će moći ostaviti dijete i ići u potragu za poslom. Ovo je ekonomska mjera, nije socijalna. Ako u

ovom trenutku nemamo dovoljno državnih vrtića uvest ćemo u sistem privatne vrtiće oni koji zadovoljavaju zakonom propisane standarde, dat ćemo im priliku da uzmu djecu koja su na listama čekanja. Postoji još jedna stvar gdje smo se navikli da smo zadnji u Europi. To je ulaganje u nauku i razvoj. Svaki ozbiljan ekonomski analitičar će vam reći da bez ulaganja u nauku i razvoj nema ekonomskog rasta. Europske države koriste već jedan cilj koji je težnja da se 3% bruto državnog proizvoda uloži u istraživanje i razvoj. To je za europske razvijene zemlje to su ogromni iznosi. Afričke zemlje već uveliko idu ka cilju od 1% bruto državnog proizvoda. BiH je na 0,15%. Mi smo četiri, pet puta iza nekih afričkih zemalja po ulaganju u sektor koji garantuje ekonomski razvoj. Bez ulaganja u predškolsko i osnovno obrazovanje, bez ulaganja u visoko obrazovanje, nauku i razvoj nema ekonomskog napretka. Mi nećemo izmišljati toplu vodu. Radit ćemo jednostavno ono što rade uspješne zemlje. Staviti ćemo akcenat tamo koji je potreban da mi imali dugoročni razvoj. Neke od ovih stvari neće se vidjeti možda ni u našem mandatu. Sve što uložite u obrazovanje vidi se tek za 10 godina. Ali mi smo spremni da poduzmемо taj korak. Činjenica je da Sarajevo ima možda najbogatiju kulturnu ponudu u BiH. Međutim mi imamo 13 institucija u oblasti kulture koje su na budžetu. Međutim stiče se utisak da rade nekako po inerciji. Sve što je na budžetu vremenom postane inertno. Podsjetit ću vas a ne volim se vraćati u prošlost Sarajevo je bilo regionalni kulturni centar. Sva kreativna energija bivše države je počinjala u Sarajevu. Nema razloga da to ne vratimo. Nema razloga da ne donesemo strategiju kulturnog razvoja naše sredine koja će obezbijediti rast isto kao što imate ulaganje u nauku i razvoj, ulaganje u kulturu donosi ekonomski napredak. Sve što radimo, mjerit ćemo ekonomski. Koja su to radna mjesta, koje su to investicije, koje ćemo dati povlastice, da se projekti iz oblasti kulture ostvaruju u Sarajevu? Naš odnos sa lokalnim zajednicama, sa opštinama, naravno bit će prijateljski i konstruktivan. Ne možete vi puno uraditi bez opština na polju čistoće, saobraćaja u mirovanju, generalno saobraćaja, mnogih infrastrukturnih projekata. Morate sarađivati sa lokalnom zajednicom. I mi ćemo pružiti punu podršku svim onim načelnicima koji žele da razvijaju u ovom polju zajedno s nama svoju sredinu. Dat ću vam jedan primjer, struka kaže da ono što nas najviše mori sada u ovoj sezoni o čemu se najviše priča, to je zagađenost zraka ekonomska efikasnost i utopljanje, masovno utopljanje je jedno od najboljih mjera gdje možete smanjiti zagađenost. Individualna ložišta su uz saobraćaj najveći izvor zagađenja. Samo sa lokalnom zajednicom možete sprovesti ovakve mjere gdje bi eventualno potaknuli individualna porodična mjesta življenja. Da se utople, da pređu na efikasnije energente, da uzmu peći koje možda bolje sagorijevaju od onih koje trenutno imaju, da im pomognemo da oni pomognu ovom gradu da bolje diše. Međutim, ima jedna stvar kod opštinskih lidera, kod načelnika, gdje možda nećemo imati tako dobru saradnju. Postoje neke sredine koje su izgubile javni interes kada se radi o dozvoli za gradnju. Ne postoji nismo sigurno vidjeli, a to ćemo pokazati Vladi koja će biti više okrenuta prema privatnicima, i to sam rekao u početku svog uvoda, međutim interes privatnog investitora i javni interes se moraju izravnati, moraju biti izbalansirani. Ne može isključivo privatni interes biti prvi posebno kada se radi o urbanizmu i građenju. Vi vrlo dobro znate da su pojedini načelnici, pojedine lokalne zajednice u skladu sa svojim ovlastima zanemarili struku kada se radi o urbanizmu i građenju. Shvatili su napravili su sistem gdje brzo građenje ogromnog broja kvadrata njima u vrlo kratkom roku puni budžet, ali zanemarili su činjenicu da to dugoročno urušava našu infrastrukturu, urušava kvalitet našeg života. Narušava naš okoliš. Također neki načelnici su prilično lagodno propisali osnovice i visine plata u svojoj administraciji. Ne znam da li svi to znate, ali opštinski službenici i načelnici su najplaćeniji političari zajedno sa državnim i višom vlasti u BiH. Neki su čak izašli iz federalnih okvira gdje Zakon jasno propisuje koliko možete odstupati od plate koja je federalno propisana. Nećemo dobro sarađivati sa načelnicima koji ne vrate primanja svoje preplaćene administracije u zakonski okvir. Mnoge stvari koje muče ovaj Kanton, i stvari koje ćemo mi nadam se riješiti velikom većinom u našem mandatu a neke stvari ćemo započeti u našem mandatu su vrlo skupe stvari. Ako želite čist zrak, a niste

na tome mnogo radili u proteklom periodu, proteklih 10, 20, 30 godina to će biti vrlo skup zahtjev. Ako želite dobar javni prijevoz a prosjek vozila vam je 30 godina će biti vrlo skup zahvat. Ako želite pravovremenu, kvalitetnu isporuku vode a pri tom niste uložili mnogo u infrastrukturu vodo snabdijevanja to će biti vrlo skupo. Kako ćemo mi finansirati sve ovo? Kako ćemo platiti sve ono što želimo da napravimo? Možda će zvučati prejednostavno ali mi ćemo jednostavno štediti na javnoj upravi. Štedit ćemo na radnim mjestima u državnom sektoru. Evo navest ću vam jednu anegdotu koji smo kriteriji koristili za ministra komunalne privrede. U tom Ministarstvu u resoru nalazi se sedam velikih firmi koje po našim procjenama mogu raditi mnogo bolje, to su stotine, stotine radnika u svakoj firmi. Mi moramo proći kroz sistematizaciju radnih mjesta tih firmi, moramo vidjeti šta je stvarno doprinosi usluga koje one pružaju građanima, a šta te firme ustvari sada rade. Vjerujte mi velike su unutrašnje rezerve u sistemu u Kantonu Sarajevo. Mi ćemo stvoriti ta sredstva štednjom i domaćinskim upravljanjem. Iz toga ćemo finansirati ove vrlo skupe stvari koje sam nabrojao. Što ne mogemo finansirati iz unutrašnjih rezervi finansirat ćemo kreditno jer ulaganje u pobrojano je nešto što će donijeti rezultat i što je jeftinije nego da nastavimo ignorisati t probleme. Mi naravno ne očekujem da ćemo ista uspjeti preko noći kada 20 godina neki problem zanemarite ne možete ga riješiti preko noći ali želim da vratim nadu i građanima i vama da ćemo na ovim problemima raditi ispravno, vrijedno i da ćemo rezultate vidjeti vrlo brzo u ovom mandatu. Neke rezultate. Neke druge, poput ovih koje sam pomenuo dugoročnom ulaganju vidjet će generacije koje dolaze. Reći ću vam par stvari o principima djelovanja ove Vlade. Borba protiv korupcije. To je nešto što najčešće ostane slovo na papiru. Korupcija se ne mjeri samo postoje procjene organizacija koje se time bave, pa koliko je novca u budžetu izgubljeno te i te godine zbog korupcije. Nije samo to, ne možete samo staviti izgubljeni novac u korupciji kao problem, problem je što je korupcija postala naš svakodnevni dio življenja. Često ljudi odu u neke državne institucije nude korupciju bez d im je to iko tražio. Korupcija se ne mjeri novce, korupcija se mjeri percepcijom građana o tome da li smo korumpirani ili ne. A sve ankete, sva istraživanja, pokazuju da građani vjeruju da smo mi duboko korumpirano društvo. Čašćenje, bakšiš, neformalni razgovori na kafi, vajber poruke. Često informacije o tenderima o tenderima i nabavama na taj način nađu put do najpovoljnijeg dobavljača. Koruptivno djelovanje nije samo ono što Zakon propisuje u smislu krivičnog Zakona. Koruptivno djelovanje je nekada samo 50 KM. Razgovor najobičniji razgovor gdje iscuri informacija, vrlo je to teško dokazivo na sudu. Mi želimo donijeti, u skladu sa principom borbe protiv korupcije Zakon koji smo nazvali etički Zakon, ali ima bolja riječ na engleskom jeziku (nerazumljivo), usklađenost. Znači usklađenost rada državnih službenika sa onim što se podrazumijeva kao zakonito i onim što mi propišemo kao koruptivno ponašanje. Svaki službenik u nabavi u komisiji tenderskoj će morati potpisati niz dokumenata gdje unaprijed se odriče svog radnog mjesta ako mu se dokažu neke od koruptivnih radnji. To neće biti sud, oni će sami to potpisati. I kada se to pokaže, služba ih može otpustiti. To ćemo propisati zakonski. To će biti jedan projekat koji će trajati cijeli naš mandat ali vidjet ćete našu opredijeljenost u borbi protiv korupcije strogom primjenom ovih pravila. Svaka europska moderna administracija počiva na nečemu što se zove javna rasprava. a moram vam reći javna rasprava, ja dolazim iz građevinskog sektora, vrlo često javna rasprava je samo pro forme. Zakaže se termin na koji niko neće doći. Neki termin kada ljudi rade, kada su blizu praznici ili vikend, odradi se to i kažu mi smo završili javnu raspravu. Mi želimo to promijeniti. Javnoj raspravi moramo vratiti značenje koje o na već ima u daleko naprednijim društvima od našeg. Ako treba zakone koji utiču na kvalitet građana, ako treba plenumski ćemo ih staviti na raspolaganje na javnim događajima. Naše ministrice i ministri će imati obvezu da javnu raspravu prošire na način da se vidi da je to komunikacija sa građanima a ne pro forme ono što Zakon propisuje. Široka javna rasprava je jedan od principa djelovanja ove Vlade. Da ne bi trajalo više sati ja sada biram ove samo najveće hitove. Sada ću vam proći kratko kroz resore da možete vidjeti šta će svaki od ovih resora imati kao prioritet u svom radu.

Kada govorimo o Ministarstvu finansija već su dobili zadatak, a kandidat ministar je to prihvatio kao prioritetni zadatak a to je revizija sistematizacija radnih mjesta u svim ustanovama. Morate znati da je masovno zapošljavanje najveći problem našeg vladanja. Najveći problem. Novci koji su mogli ići u investiranje su otišli na plate. U svakoj instituciji gdje je neka struka se pita, te struke fali ali ne fali administracije koja podržava tu struku. U DZ fali pedijatar, u muzeju kustos, a u vodovodu kovač koji će napraviti onaj šaht. U svakoj instituciji fali struke. A prekomjerno zapošljavanje je išlo u podršku struci. Pa tako u VIK imate ekonomsko pravnu službu sa preko 250 ljudi. Možete napraviti ekonomsko pravni institut od te jedne službe u jednoj firmi. Ministarstvo finansija će imati zadatak da prođe kroz ove sistematizacije i da nam napravi projekciju kako ćemo se s tim nositi. Ministarstvo finansija će iz tih unutrašnjih rezervi pokušati da sve buduće budžete koje mi budemo usvajali prebace u onu dimenziju razvojnih a ne ovo što smo imali do sada neku hibridnu verziju gdje ustvari zakonske obaveze po kolektivnim ugovorima po platama za silnu administraciju ode preko 92% budžeta. I onda vam ostane manje od 10% da vi kao imate neki razvoj. Nema razvoja dok se ta radna mjesta ne sistematiziraju na novi način. Ministarstvo kulture i sporta. Puno ljudi misli da je Ministarstvo kulture i sporta misli da je ustvari Ministarstvo kulture jer ima 13 institucija na budžetu koje nude značajnu ponudu. Ali ovaj ministar se obavezao da će izdvajanja za sport udvostručiti i da će biti 1% od budžeta. A u našim mjerama koje će vam biti dostavljene u ekspoziciji vidjet ćete da je masovni amaterski sport ono što će biti fokus ove Vlade. Jer to onda iz toga proizlazi i zdravlje i dobre navike naših mladih a i starih građana. Ministarstvo pravde i uprave jedan od prvih zadataka a vi vjerovatno znate iz političkih rasprava i u ovim klupama i u medijima već postoje dvije verzije Zakona o porijeklu imovine imenovanih dužnosnika. Obje te verzije su proizašle iz stranaka koje će sada činiti koaliciju koja će vladati kantonom u naredne četiri godine. Ovo je jedan od Zakona koji će se među prvim pojaviti u skupštinskim procedurama. Također Ministarstvo pravde i uprave će imati zadatak da sprovede jedan od principa koje smo naveli u našem djelovanju to je transparentnost rada. Ne može ZZO čiji smo mi vlasnici, u koje građani uplaćuju novac donositi odluke koje nisu javno objavljene da svi vide šta to oni odlučuju. Ne mogu građani tražiti podatke evo npr. ko gdje radi, ime, prezime, pozicija plata. Ne možemo se kriti iza zaštite ličnih podataka. Moramo dati sve ono što Zakon o pristupu informacijama propisuje i Ministarstvo pravde i uprave će dobiti zadatak da revizijom podzakonskih akata obezbijedi da građani stvarno imaju pristup informacijama. I ne samo građani. Mediji, nevladine udruge, profesionalne udruge. Ministarstvo privrede. Ministarstvo privrede osim što ima neke vrlo zanimljive firme svom resoru kao što su ZOI84 i Skenderija koji će sigurno doživjeti promjenu načina poslovanja, oni moraju iz gubitaka i tereta ovog budžeta postati generator razvoja, generator turističke i drugih ponuda, ali pored tog ministar privrede će imati zadatak ko i svaki ministar privrede svake Vlade najavljuje. A to je poboljšanje klime za privatni biznis. Pojednostavljenje procedura. Prelazak na elektronske procedure kod registrovanja firmi, smanjenja parafiskalnih nameta. Neke od naših mjera su ukidanje nekih parafiskalnih nameta, naknade za šume, naknade za TZ, mi moramo u budžetima koji rastu naći mjesta da ovo finansiramo da oslobodimo privatnike da dišu, da rade razvijaju se i zapošljavaju jer bez toga nema ni nas. Ministarstvo prostornog uređenja, građenja zaštite okoliša. Neki od najvećih izazova je upravo u ovom resoru. Želimo čist zrak. Želimo investirati na način da do kraja našeg mandata to ne bude osjećaja nego da izmjerimo bolji zrak u Kantonu Sarajevo. Postoji nešto što je prethodna Vlada usvojila a zove se KEAP, Kantonalni ekološki akcioni plan koji je dobar kao polazna osnova za ono gdje ćemo investirati. Dostupan je javnosti. Možete pogledati. KEAP će biti ključ za ovaj resor. Možda ćemo ga malo revidirati ali on je u osnovi dobar dokument. U KEAP stoji da u naredne četiri godine morate potrošiti 500 miliona KM, ne potrošiti nego uložiti. Pošto naši budžeti nemaju taj iznos samo za taj sektor mi ćemo dati sve od sebe da obezbijedimo dobra kreditna sredstva i da obezbijedimo pristup europskom novcu i multilateralnim institucijama u novcu koje će nam pomoći da uložimo u

ono za što svi znamo i vjerujemo da treba što uopšte nije političko pitanje, a to čist zrak i čista sredina. Zadatak ovog Ministarstva će biti da pomogne lokalnim zajednicama da izbalansiraju privatni interes i javni interes. Postoji nešto što se zove i društvena infrastruktura. Ako cijele kvartove gradite trenutno u gradu, cijeli kvartovi nastaju za par mjeseci imate male gradove u gradu. A nemate park ni školu. Znači ovaj resor će morati pomoći lokalnoj zajednici koja ima ovlasti da izdaje građevinske dozvole mora im pomoći da izbalansiraju javni interes i privatni interes jer dugoročno to je bolje i za one privatne investitore. Ministarstvo saobraćaja, osim toga što je javni prijevoz ovdje, a o tome smo govorili dugo i naširoko, ali ću samo podcrtati par stvari vezano za javni prijevoz. Strategija javnog prijevoza koja će dati viziju javnog prevoza za 20 godina u Kantonu Sarajevo. Zakon o javnom prevozu koji će urediti državnog i privatne prijevoznike u Kantonu Sarajevo. Ali i značajan iskorak u regulaciji saobraćaja i nastavak nekih dobrih projekata koje su prethodne Vlade pokrenule zato su projekti infrastrukture saobraćajne kao što su transversale i longitudinale. Dat ćemo sve od sebe da te projekte nastavimo, a po mogućnosti i ubrzamo. Ministarstvo komunalne privrede i infrastrukture. Ne postoji Ministarstvo koje više utiče na svakodnevni život običnih građana, da li je smeće na ulici, da li su parkovi uređeni, da li je čisto, pokošeno, da li imate vode ili ne, da li imate grijanja, je li vam stigao plin, jel vam centralno grijanje radi. Znači to su svakodnevne stvari. Suština ovog Ministarstva je ustvari kao što sam rekao 7 jakih firmi koje moraju raditi bolje svoj posao. Ovdje nema puno politike. Izazov će biti Zakon o lokalnoj samoupravi koji će možda propisati neke nove odnose između Kantona i lokalnih zajednica. Ali suština ovog resora su firme i upravljanje. I u ovom resoru se mora razriješiti nešto što mi zovemo već dugo kriza upravljanja. Nije politička kriza. U Sarajevu nema puno političke krize. Kriza upravljanja. Upravlja se firmama na način kada bi moglo puno bolje. MUP će imati zadatak da dvije dimenzije reforme to je organizaciona i stručna reforma unutar svog resora, a to je kada govorimo o organizacionoj reformi, morat ćemo napraviti jednu studiju koja će propisati potrebe građana u smislu broja policajaca, načina njihovog raspoređivanja, materijalnih sredstava koja su potrebna itd. Iz te studije ćemo mi izvesti eventualno neku organizacijsku reformu. Ali ono što nam stvarno treba je reforma znanja u polju sigurnosti. Kako je moguće da imate policajce, inspektore koji dođu na neko mjesto gdje se nešto dogodilo i ne znaju obezbijediti dokaz. Ljudi sa iskustvom, ljudi koje je tu neko imenovao i činovao, moramo vratiti struku na način, jer već Zakon propisuje nema puno politike u polju sigurnosti, operativno policija djeluje samostalno. Ali mi moramo kroz zakonodavni okvir izmjenama u Zakonu obezbijediti da se struka vrati na prvo mjesto i u ovom polju. I to će biti neki od prvih Zakona koje ćemo mijenjati. Zakon o unutrašnjim poslovima i Zakon o policijskim službenicima. Ministarstvo za boračka pitanja često kada smo se pripremali kada su bili pregovori, a pregovori šestorke oko ove Vlade su puno više vremena je uloženo u propisivanje mjera nego u raspodjelu resora. Kada smo govorili o tim mjerama često se kaže da je boračko Ministarstvo ustvari se pretvara kao u još jedno Ministarstvo za socijalna pitanja. Mi to želimo promijeniti. Želimo da se boračka populacija sve manje gleda kao na socijalnu populaciju sa socijalnim potrebama da im pomognemo da to prevaziđu kroz određene mjere ekonomskog osnaživanja. Ministar kandidat za ovaj resor već ima ideje insistirao je da kažemo da će to biti fokus. Prekvalifikacija u zanimanja koja se trenutno traže na tržištu. Ekonomsko osnaživanje kroz poticaj da se sami zaposle. Da pokrenu biznis. Da idu u zadruge. Socijalno poduzetništvo. To su sve načini borbe protiv siromašnja određenih populacija koje su pokazale određene rezultate. Na zapadu iako to ne moraju biti borci, to može biti bilo koja grupa sa socijalnom potrebom. Ministarstvo za obrazovanje, nauku i mlade. Ovo je najveće Ministarstvo, najveći resor, tu ćemo imati najveće izazove. Posebno zbog toga što sve ono što mijenjate u obrazovanju, sutra se ne vidi. Vidi se tek za 10 godina. Neke stvari koje mogu naglasiti su ono što sam već rekao za proširenje stope upisnosti u predškolske ustanove, kurikularna reforma, i to ne na način da to bude bilo kakva ideološka reforma. Nego kurikularna reforma način na koji se djeca nose sa znanjem koje im potrebno

da za 15, 20 ili 30 godina se takmiče sa djecom svojim vršnjacima koji to uče negdje drugdje. U razvijenim europskim zemljama više se ne uči ništa na pamet, nema pamćenja. Sve vam je u mobitelu u vašem džepu, svaki podatak. Zadatak je kako da djeca nauče da od toga što imaju proberu šta je tačno, šta nije. I kako izvori funkcionišu. Ono što sam rekao vezano za visoko obrazovanje, mi ćemo ojačati instituciju koja se zove Prosvjetno pedagoški zavod, koji će da vrati snagu obrazovnom kadru, ne samo visokom nego i svim obrazovnim radnicima. Svuda u svijetu obrazovni radnici bave se time jer je to nešto u što oni vjeruju. I vi ćete biti obrazovni radnik bez obzira kakva vam je plata. I svuda u svijetu se to zloupotrebljava pa i u obrazovanju najčešće je najniža plata. Prethodna plata je napravila iskorak i povećala je osnovice za ljude u obrazovanju i mi to nećemo dirati jer bi mi to isto uradili. Moramo vratiti dostojanstvo u obrazovnom radu. Međutim, isto tako moraju svi ljudi koji rade u obrazovanju očekivati da će sami na sebi morati raditi kako bi ponijeli teret nečega što se zove kurikularna reforma i kako bi vratili dostojanstvo našem državnom univerzitetu. Mogao bih nadugo i naširoko govoriti kako je moguće da niko na tom Univerzitetu, ne niko, nego trenutno rukovodstvo nema dovoljno ponosa da izađe i kaže nema nas nigdje. A evo koraka koje ćemo poduzeti da se vratimo da budemo relevantni. Kako je moguće da Univerzitet sada da ih ne nabrajam ali ima ih pet, šest, sedam u regiji koji su daleko relevantniji od nas, i to iz nekih gradova gdje niko ne bi mogao pretpostaviti. To treba kao i sve ono što smo rekli da ne želimo prihvatiti loše kao standard. Da sada to postane stvar ponosa hoćemo da vratimo Sarajevski univerzitet na mapu. Pa nek budemo broj 720 ali bolje i to nego da nas nema nikako a trenutno nas nema nikako. Želimo urediti odnose u visokom obrazovanju gdje će privatni univerziteti imati također šansu da se razvijaju, da zajedno sarađuju. Da Sarajevo postane pravi univerzitetski centar, da iz cijele BiH i regije studenti žele doći u Sarajevo na bilo koji od univerziteta. Ministarstvo za rad, socijalnu politiku, raseljena lica i izbjeglice. Postoji nešto što je, postoje razni podaci na svim budžetima u BiH, znači od opštinskih do državnog socijalna davanja, davanja koja ustvari procjene govore kada bi ukinuli veliku većinu davanja, siromaštvo bi se u BiH povećalo samo za 1 ili 2%. ogromni iznosi se daju za socijalna davanja a nema efekta. Znači 1 ili 2 % siromaštvo gore ili dole. A kada bi uzeli ta sredstva i uložili ih na pravi način toliko bi se radnih mjesta otvorilo da bi veliki značaj napravili u smislu smanjenja siromaštva. Znači preraspodjela. Ono što se u BiH od rata naovamo dešavalo je da su sva socijalna davanja ustvari statusna, vi zaradite po statusu vi primete neko socijalno davanje a možda vam ne treba. Možda imate i kuću i auto i dobar posao ali iz nekog statusa iz nekog Zakona, podzakonskog akta imate pravo i to se vama dijeli. Moramo napraviti sistem iz kojeg ćemo sa statusnog preći na stvarnu potrebu. I da vi iz potrebe primete jer vam stvarno trebaju ti novci. Tako bi mogli puno više pomoći ljudima kojima to stvarno treba. Zbog toga ćemo podržavati kroz ovaj resor uspostavu registra svih socijalnih davanja na svim nivoima da znamo sve šta ko prima i od koga. A onda socijalnom kartom, koji je odvojen projekat uporedeći koje su vaša stvarna primanja, a koja su vaša socijalna primanja i kada to dvoje uporedite vrlo će se jasno znati da li baš svima treba tih 30 maraka ili 130 maraka. Ili trebaju nekome ko je u stvarnoj potrebi da mu damo 5000. velika je to razlika kada pređete sa statusnog kriterija na kriterij socijalne potrebe. Na kraju Ministarstvo zdravstva. Na žalost velika najveća odgovornost za neke veće zahvate u ovom polju su na federalnom nivou. Zakon o zdravstvenoj njezi i Zakon o zdravstvenom osiguranju su federalni akti, ono što mi možemo uraditi je ono što je djelimično protekla Vlada već započela, a to je reorganizacija, bolja efikasnost, i ono što bi mi stvarno voljeli napraviti iskorak a to je bolja usluga u smislu ljudskosti. Kada ljudi dođu i jave se na šalter da ih dočeka neko ko je propisno obučan, neko ko je zadovoljan kao radnik svojim statusom radnika u zdravstvenoj ustanovi. I neko ko stvarno želi, ima volje da pomogne osobi koja je došla da se javi iz bilo kojeg razloga. Mislim da smo to malo izgubili u proteklom periodu. Ja vam sada mogu dugo govoriti o značaju primarne njege u sektoru zdravstva i kako se prevencijom, zagovaranjem, edukacijom, 80% troškova u zdravstvu može smanjiti. To je na kraju krajeva praksa koje najrazvijenije zemlje

već sprovode. Na jednom skupu gdje smo raspravljali o zdravstvu u BiH, niz eksperata iz Velike Britanije iz Indije došli i govore nam o primarnoj njezi. A onda se javi neka Slovenka i kaže pa mi smo izmislili primarnu njegu. U ovoj regiji u Jugoslaviji izmišljena primarna njega prije 60 godina. I sada nama došli iz Engleske iz Indije da nam pričaju o primarnoj njezi. Znači mi puno toga znamo, naši zdravstveni radnici sve to znaju, ali ono što moramo vratiti u naše zdravstvene institucije je ljudskost. Kada govorim o struci, jednom od najvećih izazova naše buduće ministricе zdravstva je zadržavanje i zadržavanje zdravstvenog kadra. Kako ćemo potaknuti naše zdravstvene radnike da ne idu na značajno bolje plaćene i značajno statusno više poslove. Najrazvijenija regija na svijetu ekonomski je EU. EU demografski stari. Stanovništvo koje stari, a koje ima para ima veliku uštedevinu plaća koliko god je potrebno da im se pruži ono što je njima najpotrebnije: zdravstvena njega u kasnijim godinama života. Oni ne pitaju za cijenu kada se radi o stručnom kadru. Mi proizvodimo taj kadar i isporučujemo ga u EU: moramo naći način da te ljude zadržimo. I kada su ti ljudi zadovoljni, zdravstveni radnici, a ne administracija koja ih prati, kada su oni zadovoljni, onda ćete imati zadovoljnog pacijenta. Nadam se da nisam predugo, išao sam kroz sve resore, i sada sam naveo neke od prioriteta koji će biti u tim resorima. Međutim, ako kada dobijete dokument možete pročitati preko 300 mjera koje su poredane po resorima koje ćemo mi veliki dio sprovesti, a neki dio započeti jer su to dugoročniji procesi. U zaključku želim samo podcrtati jednu stvar, ja sam često u raspravama i unutar ove koalicije i unutar svoje stranke često sam govorio kako bi ustvari trebalo da Sarajevo postane jedan obični dosadni europski grad. Ali sam opovrgnut ne može Sarajevo biti dosadni europski grad. Nikada nije bilo niti će biti. Sarajevo je jedinstven grad na mnogo mnogo načina. Kada govorim grad, govorim o području na kojem živimo. Sada ne govorim o administrativnim stvarima. Sarajevo je stvarno ono za šta se ono što pročitate u turističkim vodičima širom svijeta. To je stvarno to, susret kultura, vibracija, energija. Ono što želimo vratiti je to. Vrlo često na ružan način ljudi kažu sarajevski duh, sarajevski duh, kakav sarajevski duh. Ali možemo mi bježati od njega koliko želimo, sarajevski duh se mora vratiti u Sarajevo. Način na koji ćemo vladati će ići u tom smjeru. Sve konkretne mjere, zakone, koliko šta košta, kako ćemo šta napraviti, stoji u papiru. Ali ako osjetite da smo uspjeli bar malo u ovome onda smo stvarno uspjeli. Hvala vam.

Predsjedavajući:

zahvaljujem kolega Forto. U međuvremenu sam dobio obavijest da je Ekspoze okačen na stranici Skupštine Kantona Sarajevo. Tačka dnevnog reda je imenovanje Vlade. U donjem dijelu je Ekspoze. Možete pročitati sve ovo o čemu je kolega Edin Forto govorio. Da li predstavnici radnih tijela žele riječ? Niko se ne javlja. Ima li pitanja? Gospodin Dević pitanje, jel?

Poslanik/zastupnik Mahir Dević:

ispred Kluba SDA tražimo pauzu pola sata malo da se možemo pripremiti s obzirom da nismo dobili Ekspoze koji smo mogli pročitati i da bi smo mogli postavljati pitanja i učestvovati u diskusiji.

Predsjedavajući:

pauza pola sata ispred Kluba SDA. Ukoliko eventualno bude prakse traženje čestih pauza smatrat ću to ometanjem rada Skupštine. Pola sata pauze.

NASTAVAK NAKON PAUZE

Predsjedavajući :

dobro. Nastavljamo sa radom Druge redovne sjednice Skupštine Kantona Sarajevo. Gospodine Dević imate li potrebu obrazložiti razloge pauze. Obično je praksa da onaj ko traži obrazloži. Izvolite.

Poslanik/zastupnik Mahir Dević:

ja sam u zahtjevu za pauzu obrazložio traženje pauze. Možda to niste čuli. Rekao sam s obzirom na činjenicu da nismo dobili Ekspoze prije same sjednice, nismo bili u prilici da ga pogledamo, pauza je bila potrebna da malo izanaliziramo Ekspoze i naravno ono što je kandidat za premijera kazao.

Predsjedavajući:

nisam, izvinite, do mene. Zahvaljujem, imali smo obrazloženje razloga traženja pauze. Dakle, sada su na redu pitanja. Izvolite. Ima li pitanja? Za pitanja se javio zastupnik Mirza Čelik, izvolite.

Poslanik/zastupnik Mirza Čelik:

zahvaljujem predsjedavajući. Pa evo u uvodnim napomenama koliko je mogao da kaže gospodin Forto, mi nismo čuli imena ministara u Vladi pa bih molio da mi se odgovorio, da zbog stenograma pročitaju imena i nacionalnu strukturu. Evo čisto da bi znali i tu nacionalnu strukturu i naravno da čujemo imena iz kojih političkih partija dolaze koji ministri da bi i to mogli evo građani Kantona čuti i mi kao zastupnici jer tamo ne piše baš u biografijama iz koje političke stranke dolaze i ostalo. Evo to bi bilo za početak a imat ću još nekoliko pitanja sigurno kasnije.

Dopredsjedavajuća Smiljana Viteškić:

hvala predsjedavajući. Ja koristim priliku da pozdravim sve prisutne, i one koji prate naš rad. I imam za gospodina Fortu jedno pitanje, kada je pravio sastav nove Vlade da li je vodio računa o Zakonu o izmjenama i dopunama Zakona o ravnopravnosti spolova jer po tom Zakonu u poglavlju 9 javni život, član 20. stav 2) žene bi trebale, ustvari drugi pol bi trebao biti zastupljen sa najmanje 40%. u ovoj varijanti, u ovoj Vladi trebale bi da sjede 4 najmanje, čak i 5 žena, pa evo da mi odgovori na pitanje. Hvala lijepo.

Poslanik/zastupnik Samra Čosović-Hajdarević:

zahvaljujem. Ovako moje pitanje je vezano za gospodina Fortu. Na osnovu čega smatrate da bi ste baš vi trebali biti izabrani za premijera Kantona u kojem se nalazi glavni grad naše države s obzirom da ste 1995 napustili isti grad koji je bio pod uticajem agresije, molim da nam obrazložite ovo pitanje. Odakle vam toliko samopouzdanje jer vaše reference ne govore da ste baš najkvalifikovanija osoba za tu tešku i odgovornu dužnost? I odakle vam hrabrost da preuzmete odgovornost jer je niste pokazali tada kada je bila najpotrebnija našem gradu a i našoj državi. Mnogi bi pomislili da imate neki legitimitet pa da svoje samopouzdanje crpate iz njega, ali podaci su neumoljivi koji kažu da ste vi gospodine Forto od 417.852 potencijala glasa, dobili skromnih 3.428 glasova što je mnogo ispod 1% podrške građana ovog Kantona. I moje drugo pitanje, također vama gospodine Forto, ukoliko uzmemo u obzir gore navedeno, da li je moguće da ste vi predloženi za premijer samo zato što ste se izjasnili kao etnička skupina koja spada u red Ostalih, a kako bi gospodin Elmedin Konaković kao Bošnjak mogao biti predsjedavajući Skupštine Kantona Sarajevo. Hvala.

Poslanik/zastupnik Hamed Aljović:

zahvaljujem predsjedavajući. Imam dva pitanja za kolegu Fortu odnosno mandatara. Moje prvo pitanje kolega Forto da li ćete ukinuti nezakonito plaćanje Sindikata osnovnog

obrazovanja iz budžeta Kantona Sarajevo, pošto smatram da je to novac građana a ne sindikata. I moje drugo pitanje, pošto nisam vam vidio u biografiji da mi ako može odgovorite, pošto me stalno boračka udruženja, a čiji sam ja član, pitaju gdje ste bili u periodu 92-95 godina? Hvala.

Poslanik/zastupnik Amra Hasagić:

zahvaljujem predsjedavajući. Ja pozdravljam i selamim sve prisutne. Kolegicama, kolegama kao i gledaocima pored malih ekrana koji su katoličke vjeroispovijesti želim sretan Božić i uspješne blagdane. Ja također imam pitanja koja upućujem kolegi Forti. Pozdravljam ideološki pristup svakako izlaganju Ekspozea, jer vjerujem ako nije dramatično onda barem neka je bajkovito. U više navrata ste spominjali nadu i vraćanje nade. Zar ne mislite da kao mandatar dugo najavljivanje najbolje Vlade ste trebali danas i ovdje nama ponuditi rješenja a ne nadu? To je pitanje broj jedan, pitanje broj dva. Ministarstvo komunalne privrede ste najavili kao jedno od najbitnijih te se opet igrali sa osjetljivošću građana na redukcije vode a znate i sami da je obustava redukcija startala 10. mjeseca 2017 godine. Spomenuli ste također i sistematizaciju, pratila sam, pa nisam možda sve ni pobrojala. Pomenuli ste da ćete uštede ostvariti na uštrb smanjenja broja radnih mjesta u ovom Ministarstvu, a znate da ste po posljednjoj sistematizaciji 300 radnika manje u ovom istom Ministarstvu nego je to bilo 2015 godine. Zar ne mislite da ste i ovdje trebali ponuditi rješenja i konkretne mjere a ne ponuditi nam par dezinformacija? Moje sljedeće pitanje, prethodna Vlada i obrazovanje stavila na prvo mjesto, a nadam se da ste se vi šalili kada ste spomenuli da djeca ne treba da pamte i da će nam možda nova Vlada omogućiti i odlazak doktoru i stomatologu kroz neke virtualne aplikacije. Moje pitanje glasi da li ćete vi nastaviti kurikularnu reformu koja je započela prije godinu i po na državnom nivou ili imate neku svoju ideološku kurikularnu reformu? I pitanje broj dva preispitivanje osmogodišnjeg obrazovanja, da li će to samo po sebi donijeti smanjenje preko 400 uposlenika u ovom obrazovnom sektoru. Hvala vam. Vi ste u svojim mjerama naveli da ćete preispitati osmogodišnje školovanje, da li to samo po sebi nosi da će 400 uposleniak ostati bez radnih mjesta.

Poslanik/zastupnik Aljoša Čampara:

zahvaljujem predsjedavajući. Evo prije svega ja bih isto iskoristio priliku da našim prijateljima komšijama čestitam katolički Božić, da im poželim puno zdravlja, sreće i uspjeha. Za gospodina Fortu imao bih tri pitanja, naravno nadam se da sam sve dobro čuo prilikom njegovog izlaganja u Ekspozeu. Prvo pitanje je bilo da je tokom svog ekspozea spomenuo da će državni službenici potpisivati neku izjavu na osnovu koje će mimo suda moći dobiti otkaz radi navodne korupcije. Ko će dokazati tu korupciju ako ne pravosudni organi. I da li mandatar najavljuje osnivanje nekih novih para institucija koje će djelovati po onoj staroj kadija te tuži – kadija ti sudi? Drugo pitanje, u Europi se ništa više ne uči, tako ste rekli, ako sam dobro zapisao, u Europi se ništa više ne uči, sve što djeca trebaju imaju u mobitelima u džepu, samo moraju naučiti u kojim izvorima tražiti. Molim mandataru da mi kaže da se šalio da ovo nije ovako rekao, ili da ja barem nisam dobro čuo. I treće moje pitanje, gospodine Forto vi ste rekli da ćete Sarajevu vratiti duh. Na koji ste duh mislili gospodine Forto, gdje je to otišao taj sarajevski duh i ja se ne slažem da je nigdje otišao, ja mislim da je on i dalje prisutan ovdje. Ne želim da budem maliciozan ili ne daj bože da ste pomislili na neki duh Emira Kusturice ili tipova poput njega.

Poslanik/zastupnik Jasmina Bišćević – Tokić:

evo hvala predsjedavajući. I ja pozdravljam sve prisutne i građane kraj malih ekrana. Naravno imam i ja pitanje za kolegu Fortu. Kandidat za ministra finansija bio je na spisku potencijalno najvećeg finansijskog skandala posljednjih godina koji nosi naziv „Panamski dokumenti”. Za medije je sam izjavio da je to uradio radi izbjegavanja plaćanj poreza u BIH. Moje sljedeće

pitanje da li je kandidat za ministra finansija imao ikakvog platnog prometa po tim bankovnim računima na ime tih firmi koje je osnovao u Hon Kongu? Ako nije imao, može li nam to dokumentovati? Nadam se da neće primijeniti isti princip kada je u pitanju trezorsko poslovanje jer to bi bilo porazno za građane Kantona Sarajevo. Da li će kao ministar finansija dati povjerenje baš takvih of šor kompanijama, kako bi bile komitenti buduće Vlade i Ministarstva finansija? I ono što mene kao građanina Kantona zanima da je nakon afere sa panamskim dokumentima premijer Islanda i njegova supruga podnijeli ostavku a vi nama kolega Forto ovakvog kandidata dajete za ministra finansija. Je li to poruka za sve građne Kantona Sarajevo i za sve ekonomiste da mi u buduće nećemo plaćati porez ove države? Hvala.

Poslanik/zastupnik Sabahudin Delalić:

zahvaljujem predsjedavajući. Sve vas srdačno selamim i pozdravljam. Imam pitanje za gospodina Fortu da li je tačno da ste u pregovorima vi predlagali, kao i vaša stranka, da se ukine Ministarstvo za boračka pitanja pa bih volio da mi odgovorite s obzirom da ste ovdje već to spominjali. I imam još jedno pitanje s obzirom da ste možda petnaestak puta spomenuli struku, da li smatrate da su predloženi ministri stručni da iznesu ove mjere koje ste predložili? Zahvaljujem.

Poslanik/zastupnik Ademela Hodžić:

zahvaljujem predsjedavajući. Ja imam samo jedno pitanje. S obzirom da dolazim iz privatnog sektora, privatne firme, proizvodnog sektora, firme koje egzistiraju ovdje već 20 godina plaćaju poreze, plaćaju plaće građanima, nikada nisu dobili svoj neki posebna status i neke beneficije koje bi mogle koristiti kao takvi recimo ugledni privredni subjekti u gradu Sarajevu? Da li ćemo ikada doživjeti da ljudi koji ovdje egzistiraju, rade i proizvode u Kantonu Sarajevo da imaju svoje zasluženno mjesto. Hvala.

Poslanik/zastupnik Bibija Kerla:

s obzirom da se javljam prvi put, pozdravljam sve prisutne u sali, pozdravljam gledaoce pored TV ekrana. Koristim priliku da čestitam Božić onima koji slave, a svima nama sretnu Novu godinu i zahvaljujem se našem premijeru na izuzetno korektnom i fer Ekspozeu i ja se nadam da ćemo ulaskom u novu godinu imati izuzetno jaku Vladu, zajedno sa premijerom. Čestitam i budite sigurni da će Klub DF-a svim srcem stajati iza premijera i nove Vlade. Hvala lijepa.

Poslanik/zastupnik Mahir Dević:

zahvaljujem. Imam dva pitanja. Zamolit ću da mi obrazložite vašu konstataciju kada ste govorili o borbi protiv korupcije. Kazali ste ovako, citiram:” korupcija se mjeri percepcijom građana da li smo korumpirani”. U mjerama koje ste predložili rekli ste da su to neke vaše mjere. Rekli ste da se stepen korupcije mjeri percepcijom građana da li smo korumpirano društvo. Obrazložite mi to malo, to mi nije bilo najjasnije. Olovkom sam bukvalno zapisao šta ste kazali. I kada ste govorili o visokom obrazovanju u tom sektoru ste kazali da ćete pojačati ulogu Prosvjetno pedagoškog zavoda. Kakve veze visoko obrazovanje ima sa Prosvjetno pedagoškim zavodom? Evo ta dva kratka pitanja pa ćemo nastaviti dalje kroz diskusiju. Hvala.

Poslanik/zastupnik Damir Nikšić:

hvala. Samo kratko pitanje. Kandidatu Forti da mi objasni pošto je on i advokat gdje piše da se ne može kandidovati na ove pozicije ovdje ili posao dobiti u Sarajevu zbog toga što nismo bili tu u periodu od 92 do 95, jer bih volio da znam da bih tražio azil ili da bih tužio državu ili partiju u Strazburu koja to forsira ili da odmah napustim ovu salu pošto ni ja nisam bio tu. Ako ne piše da li je to razlog, da mi se proba odgovoriti zašto ja u Sarajevu od rata naovamo

nisam mogao pronaći posao sve dok me građani nisu izabrali na ovu poziciju. I da li se, lično mišljenje ako može dati, radi o nekoj vrsti političkog odnosno etničkog čišćenja u Sarajevu sa ovakvim nepisanim pravilima i standardima? Hvala.

Predsjedavajući:

hvala zastupniku Nikšiću. Time smo iscrpili ovaj dio pitanja, ostali prijavljeni se javljaju za raspravu kako vidim, jel? Pitanja ste iskoristili. Dakle, mandataru izvolite odgovorite na postavljena pitanja.

Mandatar za premijera Edin Forto:

zahvaljujem na pitanjima. Nisam pitao imena, ali sam zapisivao pitanja. Sve ono što preskočim molim vas da ponovite u slučaju da neko od pitanja preskočim. Imena ministara. Ići ću ovako kako sjede u sali. Znači gospodin Malik Garibija dolazi iz SDP-a, bit će ministar socijale, gospođa Sofić će biti ministrica zdravstva, gospodin Ismir Jusko će biti ministar za boračka pitanja, gospodin Damir Filipović će biti ministar prostornog uređenja, gospodin Jusko dolazi iz SBB-a, gospođa Sofić iz DF-a, gospodin Filipović dolazi iz SDP-a, gospodina Amel Kovačević iz NIP-a, bit će ministar finansija, gospodin Haris Bašić ministar privrede iz NIP-a, gospođa Bogunić ministrica obrazovanja iz NIP-a, gospodin Šteta bit će ministar saobraćaja iz SDP-a, gospodin Mandić će biti ministar komunalne privrede iz Naše stranke, gospodin Katica će biti ministar MUP-a iz NIP-a, gospođa Brčić će biti ministrica pravde iz Naše stranke. Nadam se da nisam nikoga preskočio. Mirvad Kurić ne sjedi s njima pa zato. Gospodin Kurić je naš ministar kulture, stari novi iz SBB-a. Zakon o ravnopravnosti spolova koji propisuje da treba biti bar 40% iz manje zastupljenog spola, ono što mogu reći da ova Vlada ima tri žene u kabinetu, što je jedna žena više nego prošli saziv. a mislim da je nekoliko prethodnih saziva također imao samo dvije žene. Mogu izraziti svoje žaljenje što nemamo više žena u kabinetu. To je sve što mogu reći. Ono za šta se borimo je ustvari da stvorimo ambijent koji će proizvesti više žena u politici. Iz ovog ambijenta kakav sad imamo nemamo dovoljno kandidatkinja. Ja mogu samo reći u ime svoje stranke i ono za šta ću se kao premijer boriti, za šta će se ova Vlada zalagati da stvorimo ambijent da proizvedemo jedan broj žena na ovim izvršnim funkcijama kao i muškaraca. Ne 40% nego da bude ravnopravno. A članovi ove Vlade vrlo dobro znaju da sam to postavio kao jedan od ciljeva. Zašto sam baš ja kandidat. Napustio sam grad 95. koje su mi reference, odakle mi hrabrost jer sam pobjegao. I moj broj glasova i zašto me moj broj glasova zašto mi daje za pravo da ovdje budem kandidat. Znači, mene je predložila Naša stranka koja je jedna od predvodnica ove koalicije i jedna od predvodnica BH bloka koji je sastavni dio ove koalicije u skladu sa zakonom. Tako baš ja. Mogu vam odgovoriti mada nije relevantno za ovu temu, ja sam izašao iz Sarajeva krajem marta 95 godine. Vratio sam se 2003 godine. Veliku većinu rata sam proveo tu. Koje su mi reference, imam iskustvo u privatnom sektoru, menadžerska iskustva, završio sam neke od najboljih svjetskih škola. Kada sam govorio o našem UNSA kaako nije nigdje rangiran, Univerzitet gdje sam diplomirao je jedan od najbolje rangiranih svake godine državnih univerziteta u SAD-u od preko 1000. A tamo gdje sam magistrirao Kolumbija univerzitet je jedan od svjetskih najbolje rangiranih univerziteta, svake godine među prvih 10. To je univerzitet sa najviše živućih nobelovaca koji tamo predaju. Mislim da je to referenca ok. Isto tako sam radio u privatnom sektoru u Nju Jorku i 12 godina u građevinskom sektoru u Sarajevu. Broj glasova, ne sjećam se koliko je premijer Zolj imao glasova, ne znam da li je to kriterij. Ja nisam dobio veliki broj glasova, dobio sam onoliko koliko sam dobio, to Zakon ne propisuje, nije relevantno. I mislim čestitam svima koji su osvojili veliki broj glasova. Da li ćemo ukinuti finansiranje sindikata. Naš rad sa sindikatom iz obrazovanja će biti intenzivan i mi ćemo pokušati naći najbolje načine da u dogovoru s tim sindikatom imamo zadovoljnu grupu ljudi u Kantonu Sarajevo. A to su obrazovno radnici. Ja sam govorio o tome u svom uvodu tako da je ovo pitanje vezano za to. Zašto nisam ponudio rješenja? Zašto pričam o

nadi? U ekspozeu koji imate preko 300 mjera koje su ustvari naša rješenja. Nisam htio da vam čitam to, trajalo bi dugo. Ako postoji stranka, i ako postoji politička snaga koja je govorila o rješenjima sve ove godine, onda smo to mi. Redukcija vode. Da li mi osoba koja je pitala za redukciju vode može još jednom postaviti to pitanje?

Poslanik/zastupnik Amra Hasagić:

izvolite. Pozdravljam opet kolega Forto traži da se opet postavi pitanje. Moje pitanje je glasilo da udarate hajmo reći na najosjetljiviji dio svih građana Sarajeva, a sami i znate da su obustave redukcije vode startale u 10. mjeseca 2017 godine i iste su prisutne samo u momentima popravke i u momentima provođenja projekata NRV-a?

Mandatar za premijera Edin Forto:

zahvaljujem se. One nisu startale u oktobru 2017 nego su prestale. To ste vjerovatno htjeli reći. Redukcija vode je bila pojava koja je trajala skoro 10 godina u Sarajevu. Ona je prestala u oktobru što ne znači da se neće vratiti ako ne poduzmemo sve one infrastrukturne zahvate koje sam ja objasnio u svom ekspozeu. Na koji način ćemo to uraditi? Ja vam mogu sada to iz struke pojasniti ali mislim da bi predugo trajalo. Postoje jasno stručno propisano kako se to radi. Moram priznati da je direktorica Muzur od trenutka kada je imenovana počela raditi većinu stvari koje smo mi zagovarali godinama i u trenucima kada smo kritkovali prethodnu upravu VIK-a. I ste također rekli da li ćemo praviti uštede na osnovu radnih mjesta, da li ćemo davati masovne otkaze? Izvinjavam se što to nisam prije rekao. Ova Vlada i ja ne vjerujemo u masovne otkaze. Kada smo nabrajali nove sistematizacije radnih mjesta, one će biti donesene ali ljudi neće ići na ulicu, to vam garantujem, zato što masovni otkazi smanjuju ekonomski rast, smanjuju potrošnju i povećavaju i bol kod ljudi i socijalnu potrebu. To je nešto za šta se ne zalažemo. Ali ono za šta ćemo se zalagati je da donošenje novih sistematizacija tačno znamo šta je firmi potrebno, da li je potrebno da još dovedemo ljudi, kada govorimo o VIK-u i u pravno – ekonomsku službu ili ćemo možda dovesti ljude negdje drugo. To je ključ. Znači da postavimo dijagnozu. Ideološka kurikularna reforma nema ideološke kurikularne reforme. Ja sam to i rekao kada sam govorio i baš sam namjerno naglasio. Borba u polju obrazovanja neće biti ideološka. Ne vjerujemo u to. Nećemo preko leđa djece boriti ideološke bitke. Da li to znači kada sam spominjao osmogodišnje obrazovanje. Ja sam možda rekao osmogodišnje, a rekao sam osnovno. Znači nisam govorio, znači neće biti 400 ljudi bez posla u obrazovanju. To je konkretno da vam odgovorim. Da li sam najavio paralelne institucije u smislu da se bez suda ljudima može dati otkaz. Mislim da je ovo gospodin Čampara pitao. Kada govorimo o „komplajns” (engl. compliance), a naša najbliža riječ je usklađivanje koje ne zvuči dobro, pa mi ćemo to zvati etički Zakon. Znači mi ćemo propisati Zakon koji će se zvati Etički Zakon ili Zakon o usklađivanju, gdje će se propisati šta su koruptivne radnje. To će se propisati zakonom. Podzakonskim aktima ćemo pokušati u svim institucijama svesti to na minimum minimuma. Ono što je već redovna praksa u finansijskim institucijama, svi koji imate iskustvo s ovakvim, to se već sprovodim. Tačno se zna šta je poslovna tajna. Tačno se zna šta je propisano šta možete raditi na svom radnom mjestu a šta ne. I to nije nikakva paralelna institucija mimo suda. To je jednostavno Zakon o usklađenosti vašeg rada ko ji je usklađen sa vašim radnim mjestom. Nije to ništa spektakularno osim što je vrlo, vrlo težak proces jer mi imamo problem kulture u kojoj je normalno da se razgovara o tenderima, normalno da se daju informacije. I nekako smo navikli, prihvatili to. Ovo će biti stvari i zagovaranja i podizanja svijesti ali i izrazito velikog broja podzakonskih akata što će nositi Ministarstvo pravde. Citirali ste me da sam rekao da se u Europi ne uči, mislio sam da se ne uči na pamet. Znači u Europi kada dijete izađe, djeca ne moraju učiti na pamet. Samo sam to rekao. I duboko se zalažem da se prilagodimo takvim nastavnim metodama da djeca ne uče napamet. Nego da znaju razaznati od mora informacija ispred sebe koje su dobre a koje nisu. Provjera izvora, na taj način sam govorio, nadam se da

me niste pogrešno shvatili. Nisam mislio ništa loše tu. Na koji duh Sarajeva mislim? To vam ne mogu lijepo opisati. To je ono što sam rekao, mislio sam na duh Sarajeva, duh optimizma. A morate se složiti sa mnom da je optimizam u deficitu. Nada i optimizam. To je nešto što sam htio da dam jedan pečat ovom ekspozeu koji je prilično sveden na veliki broj mjera. Htio sam samo da dam jedan pečat da vidite u kom pravcu šta mi stvarno želimo da pomognemo. A to je da vratimo ljudima vjeru ne samo da može bolje, nego i vjeruju da mi kada radimo politiku koji se bavimo politikom ne moramo po definiciji biti loši, korumpirani, negativni itd. Mi moramo dekontaminirati javni prostor od mržnje. Moramo dekontaminirati javni prostor od stalnih politikantstava i rasprava. Veliki broj problema koje sam indentificirao i nabrojao nisu političke prirode. Znači odvod smeća nije politika. To jednostavno nešto što mi treba da uradimo u skladu s najboljim praksama bilo da se radi o regiji bilo da se radi o svijetu. Kandidat za ministra finansija izbjegavanja problematizirali ste njegovu namjeru za izbjegavanje poreza. Je li on imao neki platni promet. Ne znam da li je imao platni promet nisam mu išao u privatne papire u poslovanje gospodina Kovačevića. Ako je nešto što je protuzakonito, ili nešto što ne valja, ako to ispliva mi ćemo prvi reagovati. Po saznanjima svim koje mi imamo gospodin je potpuno jedan visoko obrazovani profesionalac bankar. Znači sve što je on radio u svom privatnom biznisu ja u to nisam ulazio. Kakva je poruka da mi sada kao građani ne plaćamo porez ako je neko formirao „Offshore” kompaniju sa cilje izbjegavanja poreza. „Offshore” kompanija se ne registruje isključivo zbog izbjegavanja poreza. „Offshore” kompanije se registruju zbog međunarodnog poslovanja. Šta je gospodin Kovačević u svojoj karijeri radio ako nije protuzakonito mene iskreno ne zanima. Ono što mene zanima da čovjek koji dolazi može u najkraćem mogućem roku preuzeti odgovornost. Još jedna stvar. Vezano za to da li neko ko je radio u privatnom sektoru pa nalazio način da ima profit. Tako sam shvatio niz vaših pitanja da li je on ustvari kompetentan da vodi jednu državnu instituciju. Da li će on sada neke „Offshore” kompanije uvoditi u poslovanje našeg budžeta. Nije vođenje privatne firme i vođenje države jedno te isto. Država se vodi u skladu sa posebno propisanim zakonima o budžetu, posebno propisanim procedurama. Neko ko je bio visoko pozicionirani bankar i te kako ima struku i znanje da to izvede. I gospodin Kovačević će vrlo brzo pokazati o kakvom se stručnjaku radi. Prelazim na zadnji skup. Jesam li predložio ukidanje Ministarstva boraca? Nisam predložio ukidanje Ministarstva boraca. Ja sam u Ekspozeu u izlaganju rekao da mnogi misle da je Ministarstvo boraca i dosta stvari koje se tamo rade približno onome što radi Ministarstvo socijale, i onda sam čak rekao šta će biti fokus ministra kandidata da se to što manje tako dešava. Znači da to ne bude više samo socijalno nego da bude pomoć borcima u ekonomskom osnaživanju a ne samo to da bude na osnovu prava koja su oni stekli što ustvari i degradira tu populaciju. Toj populaciji treba pomoći da postanu ekonomski jači. To nisam predložio, da sam to predložio vi bi to imali ovdje kao prijedlog već i u našim mjerama. Jesu li ministri stručni. Moram reći jednu stvar koja se često pominje kada se radi o stručnosti jer ja a i ova koalicija puno smo govorili o kriteriju stručnosti. Ova Vlada je politička. Ovo nije ekspertska Vlada. Ovo je politička Vlada. Neko je pitao ovdje iz kojih stranaka dolaze pojedini ministri i ministrice. Ja sam vam to nabrojao. To su politički radnici. Neko od njih ima izrazito razvijenu karijeru u nekim oblastima, ali oni će se morati pokazati u ovome što su propisali što naše mjere propisuju u onome što su sami zadali sebi kao ciljeve. Po tome ćete vidjeti jesu li oni dobri ministri ili nisu. Ne postoji stručni ispit za ministra. Da ga ima mi bi ga polagali. Ne postoji. Ovi ministri, njihova stručnost će se pokazati kroz njihove rezultate i njihov rad. Da li ćemo doživjeti da oni koji proizvode dobiju svoje zasluženno mjesto a pri tome ste mislili na privatni sektor. Ja ću vam poslati pristupnicu. Znači ovo je pitanje svih pitanja. I mi ćemo se boriti da ti ljudi dobiju. Znači ako smo išta pričali ovih godina a i ovo što sam danas govorio je da ljudi koji proizvode dobiju svoje zasluženno mjesto. Znači ljudi iz privatnog sektora i da riječ privatnik ne nosi više negativnu konotaciju. Šta sam mislio pod tim da se korupcija mjeri percepcijom građana. Mogu li to obrazložiti. To vam je metodologija koja je razvijena u svijetu. Mjera

korupcije stvarno se mjeri percepcijom građana anketno. Isto kao što radite kada imate dva podatka o nezaposlenosti. Imate stvarnu nezaposlenost, ustvari onu administrativnu koja se pojavljuje na Birou za zapošljavanje koja nam daje 37% da smo nezaposleni. Ali anketna je ona koja se priznaje u svijetu kao stvarna ona je npr 17 do 18%. i to je ona prava. Isto tako za korupciju. Ne mjeri se korupcija procjenama koliko je novca izgubljeno kroz koruptivne radnje. Korupcija se mjeri percepcijom građana o korupciji. Vjerujte. To se tako radi, to su metodologije koje su propisane svuda u svijetu. I na to sam mislio. Nije dovoljno samo spriječiti koruptivnu radnju potrebno je da građani osjete da je napravljen napredak i kada ih anketirate da kažu da misle da je smanjena korupcija ili da je mnogo manja nego prije itd. To je jedina mjera po kojoj će se mjeriti i naš uspjeh. Prosvjetno pedagoški zavod u pravu ste, ja sam to spomenuo jer sam išao kroz cijelo obrazovanje. U pravu ste Prosvjetno pedagoški zavod koji je ovlašten za ovlasti koje ima. A ja sam to nadovezivao jer sam prije toga govorio o visokom obrazovanju. Znači to se slažem. Gospodin Nikšić gdje piše da se neko ne može kandidovati jer nije bio tu. Ja mislim da ne piše nigdje. Hvala vam na pitanju ali mislim da sam odgovorio jer je već bilo pitanje prije toga. Ono što je jedan od kandidata za predsjedničke izbore što je rekao u ovoj kampanji u ratu se država brani puškom a u miru znanjem. Bez obzira na beskrajno poštovanje koje imamo prema ljudima koji su nas odbranili ovo mjesto ovdje isključivo treba da bude zasnovano i mjereno na osnovu konkretnih rezultata. a svi oni koji imaju zasluge iz perioda najtežeg treba da ih uživaju. Ako ima još pitanja ja sam tu.

Predsjedavajući:

pitanja više nema niti ih može biti. Hvala vam kolega Forto. Sada krećemo na raspravu koja počinje prijavom kolegice Samre Ćosović-Hajdarević. I dalje prijavljenih. Nezadovoljstvo odgovorom na pitanja nema, to imate samo kod vijećničkih pitanja i inicijativa. Ovdje svoje nezadovoljstvo ili zadovoljstvo izražavate kroz diskusiju. Tako kaže Poslovník.

Poslanik/zastupnik Samra Ćosović-Hajdarević
evo idu moje sekunde.

Predsjedavajući:

ponovo molim uključite od nule da ne bi bilo režija. Ovdje smo Mirza Ćelik i ja ukrali koji sekund. Kolegica Ćosović.

Poslanik/zastupnik Samra Ćosović-Hajdarević:

evo zahvaljujem. Ja bih se samo osvrnula, pratila sam izlaganje premijera odnosno gospodina Forte i spomenuo je da treba vratiti struku pod hitno. Slažem se da treba vratiti struku pod hitno a onda spominjete da ste, ako sam dobro uprtila, na mjesto ministra za prostorno uređenje postavili Damira Filipovića. Ako griješim ispravite me. Pa me samo interesuje gdje je tu struka s obzirom da znam da je gospodin diplomirani pravnik i šta nam njegovo iskustvo može donijeti vezano za aktuelni problem zagađanje zraka ili prostornog uređenja ili nešto slično. Dalje, kada sam spomenula 92-95 nisam bez razloga spomenula i znam da Zakon ni jedan ne tretira da morate ili da se možete ili ne možete kandidirati ali sam išla čisto patriotski jer gospodin Forto je prezentirao moje Sarajevo, naše Sarajevo, duh sarajevski, ja bih rekla da je bio na prvim linijama a kao vojno sposoban muškarac te godine, u 20-tim godinama je napustio, auuu, kako god hoćete

Predsjedavajući:

molim vas za mir u sali. A vas molim da ne idete na nivo ispod dozvoljenog. Poslovnik čak i dozvoljava vrijeđanje, možete karatkerisati da li je neko kao vojno sposoban

Poslanik/zastupnik Samra Čosović-Hajdarević:

ja samo iznosim činjenice. Ako vi smatrate da vrijeđam

predsjedavajući

zamolio sam vas i vjerovatno sve one koji su vojno sposobni, ne samo njega, nisu bili u ratu a ima ih tu još. Sve njih

Poslanik/zastupnik Samra Čosović-Hajdarević:

želim smo pogrešno da me ne razumijete jer sam spomenula 92-95. pa u redu evo ja za sve muškarce koji su otišli. Lako je biti pobjednik nakon bitke. Ama Damire molim te da ne upadaš. Ako ništa malo kulturnije. Mislim nema smisla. Evo i sada ovako prolazi. Također ste spomenuli gospodine Forto načelničke plate državnih službenika i ostalo, a koliko sam upratila da ste vi 2014 postali zastupnik Skupštine Kantona i ujedno bili delegat u Domu naroda Parlamenta F BiH pa ste imali jako jako mnogo veća primanja nego oni sada. I niste mi odgovorili na moje pitanje ali evo ako je predsjedavajući rekao da nemam pravo ja ću opet pomenuti pitanje da li ste vi imenovani za premijera iz reda Ostalih da bi gospodin Konaković mogao biti predsjedavajući iz reda Bošnjaka?

Predsjedavajući:

zahvaljujemo se kolegice riječ ima zastupnik Mirza Čelik.

Poslanik/zastupnik Mirza Čelik:

Zahvaljujem predsjedavajući. Nekako nakon */izgubio se ton/*

Predsjedavajući:

evo ga, radi. Molim zastupnike da se prijave. Čelik je bio, poslije njega je bila Jasmina Bišćević-Tokić. Poslije gospodin Čampara prijavite ga. Poslije je bila gospođa Admela Hodžić prijavite se. A vi ostali sada možete za diskusiju kako želite.

Poslanik/zastupnik Mirza Čelik:

zahvaljujem se predsjedavajući. Neću dugo nakon iznesenih odgovora uvaženog Forte nekako stičem dojam da bi trebali da kažemo da vjerovatno da osjećamo takav utisak da ste vodili računa kada ste formirali Vladu na popisu '91 i da u toj Vladi imamo i Hrvata i Srba, a iskreno se nadam da neće neki biti izabrani u Medžlis islamske zajednice il negdje drugdje. Nadam se evo tako neka ostane ta konstatacija. I evo nekako mislim da bi trebali poslije današnje sjednice kada zaključimo ovu sjednicu da formirate ponovo i da Vlada zasjeda i da moramo imati Odluku o privremenom finansiranju ZZO. To je ono nešto za šta sam zaista osjećao potrebu da ukažem i da apelujem na sve zastupnike da ostanemo poslije ove da Kolegij zasjeda i da donese takvu odluku o hitnoj sjednici jer je to zaista potreba građana i evo neću o toj više. Odluka o imenovanju Vlade će vjerovatno biti danas i imat će većinu ali evo žao mi je što ova šestorka nije sjela i napravila za dobrobit građana u smislu da možda je kandidat za premijera Forto trebao da bude za ministra ili da se zamijeni sa Konakovićem pa da to bude na neki način kako treba, ali evo ostat ćemo i pratit ćemo u svakom slučaju svakog ponaosob ministra, a u svakom slučaju Klub SDA će biti faktor koji će biti korektor na one odluke i na one zakone koje bude Vlada predlagala i mi ćemo djelovati u tom smislu.

Predsjedavajući:

hvala zastupniče Čelik. Smatram da jeste tema, plan je da se održi hitni Kolegij odmah. Stigao nam je dokument i iz Službe za zapošljavanje i iz ZZO, da odmah nakon ove imamo hitnu sjednicu Skupštine Kanton Sarajevo na kojoj ćemo ove dokumente usvojiti kao i Nacrt budžeta koji će ići u javnu raspravu 15 dana. To je plan. Imat ćemo hitni Kolegij. Nastavljamo sa raspravama. Kolegica Jasmina Bišćević-Tokić ima riječ.

Poslanik/zastupnik Jasmina Bišćević- Tokić:

ja naravno nisam zadovoljna odgovorima kolege Forte, nije mi odgovorio ni na jedno pitanje. Čak je rekao koliko sam ga mogla shvatiti da ga apsolutno ti detalji ne zanimaju jer nije ni on siguran da li postoje. Evo ja ću zamoliti kolegu Fortu da upali Google i da nađe na svim medijima od Faktora, Klix, Ekonomije i Indexa, pošto evo rekao je da ne zna, tačno riječi budućeg ministra finansija Kovačevića gdje je rekao evo da, i ja ću ga citirati: „da je to radio da izbjegne porez, plaćanje poreza, tako što je osnovao „Offshore” kompaniju u Hon Kongu”. S obzirom da građani Kantona Sarajevo vjerovatno nisu upoznati o čemu se radi evo ja bih u svojoj diskusiji obrazložila šta u suštini to znači. Gospodin Kovačević bio je na crnom spisku potencijalno najvećeg finansijskog skandala posljednjih godina koji nosi naziv „Panamski dokumenti” ili „Panama papers” kako bi naš kolega Forto rekao na engleskom. Advokatska kompanija Mosak fonseka je za 1000 dolara otvarala fiktivne firme i postavljala je fiktivnu upravo kako bi skrivala prave vlasnike kompanija. On je u Hon Kongu tada osnovao Offshore firmu u cilju izbjegavanja poreza u BIH iako je naveo da ta firma nikada nije zaživjela. Znači za građane Kantona ja ću insistirati da on to argumentuje. Ministar finansija gdje je prevashodno cilj ubiranje poreza da bi država i njene institucije pa i ova Skupština predsjedavajući mogla funkcionisati, a bili ste u prethodnom mandatu i znate koji je posao gospodin Iović radio kroz institucije kroz uopšte poreze i vi dovodite u novu Vladu čovjeka, da kažem vi, ja moram reći za poziciju, on mora biti uzor građanima Kantona Sarajevo. On ne može biti čovjek koji je osnovo i bio jedan od četiri kandidata ispred BIH, četiri, koji je radio to u Hon Kongu”. Gdin Forto kaže da nema ništa sa tim. Evo ja kažem da ima, krši Zakon iz glave 13. kaznenog djela a iz oblasti poreza Krivičnog Zakona F BIH. Nećemo dopustiti da građani Kantona Sarajevo na čelu imaju ministra koji je osnovo Offshore kompaniju i izjavio da je to uradio radi izbjegavanja poreza. Da li je kompanija zaživjela ili ne, to mene kao građanina koji svaki dan kao ljekar plaćam porez , neće zaustaviti da tražim do zadnjeg podatka. I tražila sam pitanje da li je kandidat za ministra finansija imao ikakvog platnog prometa i na tome ću zahtijevati da mi se dostavi da li je imao ikakvog. Svi s poslije afere podnijeli ostavku. A u 2018 pričamo o struci nekoj velikoj i predlažemo takvog ministra. I još bih se osvrnula na kolegu Fortu neka nauči kao premijer za zdravstvo da se Zakon zove Zakon o zdravstvenoj zaštiti F BIH. I ja ne mislim da su naši medicinski radnici nepropisno obučeni. Ja ću štiti svoju struku i reći da je svaki medicinski radnik propisno obučen. Ako će nama ministrica zdravstva samo raditi i naš premijer kako je ko obučen onda je u ovom sektoru zdravstva to za mene kao lekara porazno. Preventivni program na šta je mislio, u preventivnim programa. Tačno. Izmjene Zakona. Čega izmjene Zakona predsjedavajući. Kojih odredbi? Šta će on mijenjati u Zakonu o zdravstvenoj zaštiti. Znamo mi da je reforma zdravstvene zaštite nastupila, to vi predsjedavajući najbolje znate i prije ove Vlade 2014. I to je ista platforma koju je SDA ponudila u svojoj izbornoj platformi i 2014. znači nemojte uzimati tuđe ideje. A kolegu Fortu bi zamolila da se izvine zdravstvenim radnicima jer smatram da su svi propisno obučeni. I da ljudi koji rade i 24 sata i ulaze u salu kao hirurzi zaslužuju to, jer smatram stvarno kao ljekar da smo svi propisno obučeni na mjestu. Eto ja toliko.

Predsjedavajući:

zahvaljujem kolegice Jasmina Bišćević-Tokić. Riječ ima zastupnik Aljoša Čampara. Ima replika prije toga zastupnik Edin Forto.

Poslanik/zastupnik Edin Forto:

evo tražili ste izvinjenje. Ja se izvinjavam svim zdravstvenim radnicima ako sam se pogrešno izrazio. Htio sam pojasniti stvari oko uslova rada i sve drugo što sam rekao je išlo u tom pravcu. Vi ste me izgleda jedini pogrešno shvatili. Ali evo izvinjavam se ako sam se pogrešno izrazio, naravno da su svi pogrešno obučeni. Hvala.

Predsjedavajući:

hvala kolega Forto. Replika kolegica Jasmina Bišćević-Tokić.

Poslanik/zastupnik Jasmina Bišćević-Tokić:

nisam samo ja pogrešno shvatila. Možda nas nema puno zdravstvenog kadara u ovoj Skupštinu. Kolega Forto, evo i kolegica Smilja, evo o kolege Vedran, svi smo ljekari i kolegica Amra Junuzović. Odlično smo vas shvatili rekli ste da medicinski radnici nisu propisno obučeni i da pokažu veću ljudskost. Mi kolega Forto imamo veliki problem, šta je put pacijenta, šta je strategija zdravstva u Kantonu Sarajevo? Mi ne znamo vjerujte kada dijete dođe u primarnu zdravstvenu zaštitu gdje da ga vodite? Je li bitno mantil a imamo druge probleme u Kantonu Sarajevo. Ja sam na to mislila. I ne trebamo zaista niko degradirati. Ja za struku svoju ću uvijek držati leđa. Svi smo propisno obučeni.

Predsjedavajući:

bila je to replika. Zastupnik Aljoša Čampara.

Poslanik/zastupnik Aljoša Čampara:

hvala. Nadam se da moje vrijeme teče od sada od nule. Bravo. Prije nego što uzmem učešće u diskusiji morat ću da se osvrnem na par odgovora na pitanja, stvarno onako dobronamjerno. Ja nemam nikakve iluzije da danas premijer neće biti izabran i to će biti gospodin Forto, vi imate ovdje ruke i ja sam potpunosti svjestan toga. Ali želim jedan prijateljski savjet poslati i premijeru. Ipak je on javna ličnost i obnašat će najznačajniju funkciju ovdje u Kantonu Sarajevo u narednom periodu i mislim da će morati malo više voditi brige o izgovorenim riječima sa aspekta nekih stručnih kvalifikacija. I ja bih mu sugerirao da se konsultuju s nekim drugim kolegama. Npr. kolega vi kažete da ćete napraviti ambijent za žene, u smislu obnašanja funkcija u Kantonu Sarajevo. Ili bilo gdje drugo. Ne trebate vi praviti nikakav ambijent. Taj ambijent je napravljen kroz Zakon o jednakosti spolova. A vi ga ne poštujete. Dakle ne trebate praviti ambijent. Zakonodavac je donio Zakon, vi treba da provodite. Vi ste izvršni organ koji morate provoditi Zakone ove zemlje. To je jedna digresija. Druga, gospodine Forto, molim vas, ja znam da niste pravnik, ali izaći ovdje za govornicu i reći da ćete vi nekim etičkim kodeksom ili etičkim zakonom popisivati koruptivna djela koja se mogu propisati i koja su jedino propisana Krivičnim zakonom BiH, i Krivičnim zakonom F BiH, malo je priznat ćete apsurdno. Nemojte da vas nekada vodi ta populistička želja da se dodvorite građanima a da zanemarite ove stvari koji u aksiomi koje ne treba dokazivati. Oni su takvi kakvi su. Govorili ste nam o nadi, optimizmu. Bojim se ovako kada smo sve ovo čuli, kada smo čuli ko je sve predložen, bojim se da nada zadnja umire, ali eto. Dakle, svoju ću diskusiju krenuti prije svega možda malo od ustava, od Zakona, od Europske konvencije o ljudskim pravima. Nacionalne strukture, stručnosti, kompetentnosti, svega ovoga što će se danas ovdje dešavati na ovoj Vladi. Mislim da svi moramo poštivati Ustav i Zakon ove zemlje, prije svega možda i Europsku konvenciju o ljudskim pravima koja ima primat u odnosu na Ustav i zakone ove zemlje. Ja se osobno zalažem prije svega za građansku državu,

za građansko društvo a samim tim i za građanski Kanton. Da su prije svega građani ti koji imaju prednost, odnosno pojedinci u smislu ljudskih prava u odnosu na kolektivitete. Ali naravno svjestan činjenice i zemlje u kojoj živimo već hiljadu godina, da i ovo drugo moramo uzeti u razmatanje. Ja moram priznati da sam malo onako i frapiran činjenicom kakav je sastav ove Skupštine nakon ovih izbora. Nisam zadovoljan, nisam sretan. Što to govorim prije svega iz razloga da ova Skupština broji 35 zastupnika, od toga je 28 Bošnjaka, 2 Hrvata, 2 Srbina, i mislim 3 iz reda Ostalih. Ako imamo činjenicu da je SDA koju često neopravdano nazivaju i nacionalnom i nacionalističkom, onako kada im odgovara, dala jednog kandidata iz reda srpskog naroda a druga stranaka NIP je dala kandidata iz reda hrvatskog naroda, da te dvije stranke koje nisu evo da kažem uslovno rečeno građanske, odnosno ljevičarske orijentacije, bojim se da bi smo mi ovdje u Skupštini Kantona Sarajevo imali samo po jednog predstavnika srpskog i hrvatskog naroda koji zajedno sa Bošnjacima čine gradivno tijelo ove države i samog Kantona i glavnog grada BIH, odnosno Sarajeva. I ja sam ponosan na to da mi svi zajedno živimo u jednom europskom Jerusalemu, da smo privrženi jedinstvenu različitosti i mislim da to treba tako ostati i u buduću. Ali bojim se da je ovo prvi put da imamo na najodgovornijim funkcijama ljude evo recimo predsjedavajući Skupštine ili predsjednik Vlade Kantona Sarajevo da niko nema iz reda srpskog ili hrvatskog naroda. Ta činjenica me onako poprilično žalosti. Mogu shvatiti da smo bili u situaciji da su liste bile takve kakve su, mada su i one poluzatvorenog tipa, i teško je bilo preskočiti cenzus od 20%, pa su stranke trebale malo i ovome voditi računa. Znam u prošlom sazivu da su ovom skupštinom predsjedavala Ana Babić, a mislim saziv prije toga je predsjedavala uvažena gospođa Mirjana Malić. Naravno ovo smo ipak mogli ispraviti na način da pošaljemo poruku jednog kosmopolitskog grada Sarajeva i njegove Vlade da ima mjesta za sve narode i građane u ovoj Vladi, a ne sada da nagađamo, imamo mi dovoljno u ovoj Vladi Srba, imamo li mi dovoljno u ovoj Vladi Hrvata imamo li dovoljno Ostalih i koliko imamo Bošnjaka. Ja mislim da to nije dobra poruka koju mi šaljemo odavde iz glavnog grada BIH, imajući u vidu političku filozofiju i političku ideologiju Sarajeva kao glavnog grada. U vrijeme najtežih vremena u BIH mi smo imali predsjednika Skupštine SR BIH uvaženog patriotu Miru Lazovića koji je rukovodio tom skupštinom. Imali smo članove predsjedništva zajedno sa rahmetli Alijom Izetbegovićem koji su i danas živi i mogu svjedočiti o tome poput Tatjane Ljujić Mijatović. Poput Mirka Pejanovića, poput Ive Komšića. To su bile poruke koje su trebale otići iz ovoga grada u svijet. I one su otišle. I mi smo svi ponosni na to. Žao mi je što imamo danas situaciju da evo niko nije spomenuo ovdje ni nacionalni sastav, izgleda želimo da zažmirimo na tu situaciju. A pitanje je šta će se kasnije desiti, kakve će se sve priče otvoriti. Svi se mi manje više znamo. Ovo je mali grad u njemu sve se zna. Mnogi od nas se poznaju, znamo se iz osnovne škole, iz srednje škole, sa fakulteta, iz kafana, sa derneka, sa koncerta, sa utakmica, sa ponoćki, iz crkava, džamija, itd. Ne govorim ovo bez razloga. Često se svi kitimo perjem ZAVNOBIH-a kako je ovo zemlja i Bošnjaka i Srba i Hrvata i ja mislim stvarno da tako treba da bude. Ali mi moramo biti odavde iz Sarajeva preteča toga i poslati jake i snažne poruke. Ako sam pogriješio i ako sam nešto pogrešno rekao ja molim stvarno da me neko ispravi, ali mislim da sam u pravu u ovome što govorim. Mi moramo čuvati zajednicu u kojoj svi zajedno možemo i trebamo živjeti. Pričali smo i slušali priče o nestranačkim ekspertima, a bojim se da nismo dobili ni eksperte ni nestranačke ljude. Da je to bio dogovor, gospodine Forto ja ne znam jesu li vama ovo nametnuta rješenja ili ste vi birali svoje saradnike. Ja znam da je nekada teško u politici birati saradnike i ako ih vi niste birali, ako su vam nametnuta nije to prvi put, dešavalo se to i nažalost, možda će se i dalje dešavati. Ali šta je nada da ćemo sa ljudima koji su recimo pripravnici u Vladi, nešto konkretno postići, neke konkretne rezultate dobiti. Da li je to stručnost, da li je to što treba ovoj Vladi, ovome Kantonu, ovim građanima. Ja mislim da ste tu premijeru fulili i da to sebi niste smjeli dozvoliti. Bolje izabrati stručne nego poslušne. Sigurno će bolje biti i vama a i građanima Kantona. Da li je moguće da ste imenovali neke

ljude sa diplomama, pa eto u najblaže rečeno sa nekih sumnjivih privatnih fakulteta u kojima se pričaju vicevi. Pored mladih ljudi kojih ima jako.

Predsjedavajući:

deset minuta kolega Čampara, isteklo vam je vrijeme za prvu, ako. Evo završite.

Poslanik/zastupnik Aljoša Čampara:

želio sam samo još predsjedavajući, umalo ne rekoh premijeru, izvinite, da pitam samo gospodina Fortu kakvu je poruku poslao mladim ljudima, ljudima koji su teškom mukom završili fakultet ovdje na UNSA, Elektrotehniku, Medicinu, Pravo i druge fakultete. Kakvu poruku šaljete mladim ljudima da najveću pošast ovog društva u sistemu obrazovanja legalizirate na način da dovodite ljude za ministre sa.

Predsjedavajući:

37, stvarno je preko deset. Imate drugu diskusiju. Prijavite se. Evo kolegica Čosović se već prijavila. Riječ ima zastupnica Admela Hodžić.

Poslanik/zastupnik Admela Hodžić:

zahvaljujem predsjedavajući. Pa evo moram iskoristiti priliku da pitam kolegu Fortu kakvu mi to pristupnicu nudi maloprije je rekao. Ja ne propuštam ni jednu priliku ako je dobra, samo da znate. Pomenio je. E ovako konkretno da se nadovežem na prošlu temu za ove privredne subjekte. Kolega Forto je pomenio da će raditi na smanjenju nameta privrednim subjektima u narednom periodu. Samo ga molim precizno da nam kaže kada i kako misli to provesti i kada možemo to očekivati, to me jako zanima. A drugi dio moje diskusije vezan je za gospodina kojega ste predložili za kandidata za ministra rada, socijalne politike Kantona Sarajevo gospodin Malik Garibija. Na svim portalima smo pročitali odmah kada se ime pomenulo da nema dana radnog staža, ja bukvalno kažem, izvinjavam se što je to tako, ali to smo tako pročitali. Pa evo ja mislim da je ovo Ministarstvo gdje moramo imati najviše znanje i senzibilitet prema tim kategorijama i da moramo imati prije svega struku i niz projekata na kojima bi neko trebao da radi pa da se posveti ovim kategorijama. Stvarno ovo nije nimalo zanemariva tema i oblast. Ali ja vam moram reći evo iz biografije ovog gospodina najzvučnije što sam mogla pročitati, najznačajnije, to je da je autor i urednik desetina javnih politika. Autor i urednik desetina javnih politika. Mislim da nam malo to pojasnite. I u drugom dijelu se kaže da na matičnom fakultetu počinje raditi kao istraživač u Centru za studije o izbjeglim i raseljenim osobama. Svakako bih voljela da znam kakav je to projekat i kakav je to centar i na koji način će doprinijeti sa ovim znanjem u ovom Ministarstvu u narednom radu. Hvala vam.

Predsjedavajući:

zahvaljujem. Druga diskusija, aha, prva diskusija gospodin Dević, kolegica vam se prijavila za drugu diskusiju, a vi Deviću imate prednost. Izvolite.

Poslanik/zastupnik Mahir Dević:

zahvaljujem predsjedavajući. Naravno, mi smo legalisti i poštujemo demokratiju i ukoliko danas kolega Forto bude izabran zajedno sa svojom Vladom mi ćemo čestitati novoizabranom premijeru i novoizabranoj Vladi, međutim to nas ne sprječava da problematiziramo i razgovaramo o onim stvarima o kojim su ovih dana brujali svi mediji, a naravno i mi kao najveći zakonodavni organ u Kantonu Sarajevo. Sada bi bilo zaista zanimljivo uporediti nekadašnje sazive Skupštine Kantona Sarajevo i nekadašnje premijere i nekadašnje odgovornosti koje su političke stranke, kažem sve, pokazivale spram svojih kadrovskih rješenja u odnosu na ono što je ajde da kažem dio šestorke ponudio nama danas ovdje u ovoj Skupštini. Ne možemo kazati da svi politički subjekti koji učestvuju u ovom procesu se

ponašali u najmanju ruku da ne kažem neozbiljno prilikom kandidiranja svojih kadrova. Jedan dio ljudi je to čini mi se uradio na jedan stručan i kompetentan način. Ali mi je zanimljiva ova varijanta da premijer ispred Naše stranke koji godinama ovdje pričaju o stručnosti ljudi na ovakav način daje odgovor kada je u pitanju struka stranke koja se priprema na način da dolazi na Skupštinu sa napisanim govorima, sa svim detaljima od tačke a do tačke ž da na ovakav način pređe preko struke ovih ljudi koji sutra treba da čine njegovu Vladu i da zažmire i kaže pa znate to je politika. Ali niste tako govorili prije godinu dana, ni prije dvije godine dana, ali ni prije mjesec ni prije pet dana niste naravno tako govorili. Naravno to je, ponavljam još jednom, legitimno pravo stranaka da one to tako rade. Mi postavljamo velike upitnike na ove informacije koje smo sada ovdje čuli. Znamo mi kao što reče kolega Čampara, svi se međusobno ovdje, i znamo naše struke i naše poslove i načine na koje smo došli na naše poslove. Nisam siguran čak ni da je cijela Vlada putem konkursa na svoje poslove primljena. Vi ste maloprije rekli da se zalažete na javne konkurse ali nisam siguran da su vam članovi Vlade svi primljeni putem konkursa na radna mjesta. Ali evo da ne išli ispod neke crte dostojanstva, ali ipak moramo da skrenemo pažnju na tu vrstu priče, znači vi zaista jedno vrijeme ste jako dobro govorili stvari. Ali sada sa ovim vašim prijedlogom Vlade i sa ovim što sada radite, vi apsolutno bacate u sjenu što ste komentarisali u prethodnom periodu. Tako da zaista smatramo da je to jako nedosljedno i u najmanju ruku s apsketa tih stranaka neodgovorno. Druga stvar, jako ste ružno tu prešli preko pitanja legitimnosti da se radi ovo u Kantonu Sarajevo što se radi. Naravno, legalno je da se Vlada formira i na ovakav način, i to je u skladu sa zakonom. Međutim postavlja se pitanje da li je to legitimno da se izigra volja 54.000 birača ovog Kantona na način da se upre samo prstom u SDA i da se kaže ne valja ovo sve što je i SDA, a sve ovo drugo valja. Taj princip kojeg vi ovdje pokušavate da uvedete u Skupštinu, i taj vaš princip u kome dobacujete kolegama iz SDA kada govore i kada vam se obraćaju, u najmanju ruku to bi trebalo da ne radite i da predsjedavajući Skupštine ne dozvoli jednu takvu vrstu priče. Znači mi ćemo se znati ponašati u poziciji i u opoziciji i uvijek ćemo voditi računa o dignitetu ovog organa. A cijenim predsjedavajući prije svega da ste vi dužni da održite dignitet ovog organa da ne pravimo šou na određeni komentarijama i diskusijama. Imamo naravno pravo replika, itd ali to treba sve da bude u skladu nekog dostojanstva. I vrlo je važno da građani Kantona Sarajevo znaju da prema nekim proračunima, ne znam sada da li ću neki procenat promašiti, vi kao kandidat za premijera imate podršku 0,82% građana ovog Kantona. I to mi treba da znamo. Zato postoje izbori, možda sam pogriješio tačno broj i nemojte da bježite od te vrste odgovornosti. Želim vam svu sreću. Rekao sam vam već prije da će vam biti jako teško. Ali način na koji ste već sada počeli da kao nije važna struka, važna je politika, znate nama su to stranke nametnule itd, bacate u sjenu sve ono što ste govorili do sada. A naravno mi ćemo vas pratiti kroz ovaj mandat šta ćete raditi. Ukoliko danas budete izabrani mi ćemo vam čestitati a ako Bog da čim budemo u prilici naravno da ćemo pokrenuti vašu smjenu da formiramo jednu ozbiljniju Vladu. Hvala.

Predsjedavajući:

zahvaljujem se kolega Deviću. Ovaj dio jedan je kritike bio mogu reći argumentovan. Ne trebamo dobacivati, ne trebate aplaudirati. Zaista kada zastupnici govore morim vas da se držite mir. Ja ovo staro zvonice koristim, ali ne radi nam. Morat ćemo novo zvonice. I vas još jednom molim ko god da govorim da ispoštujete mandat zastupnika. Druga diskusija kolegica Samra Čosović-Hajdarević, tri minute imate za drugu diskusiju.

Poslanik/zastupnik Samra Čosović-Hajdarević:

zahvaljujem. Evo ja bih samo da iskoristim priliku da zamolim našeg budućeg premijera ako je moguće da se Betonara izmjesti iz naselja Briješće koja je instalirana kada je on bio direktor firme, pa kada nije bio u stanju tada, evo molim ga kao premijera da poduzme nešto, jer jako, jako smeta građanima Briješća pa da ukloni. Hvala.

Predsjedavajući:

hvala vam zastupnice. Riječ drugu diskusiju ima gospodin Aljoša Čampara tri minute.

Poslanik/zastupnik Aljoša Čampara:

zahvaljujem predsjedavajući. Pa evo ja ću, ima jako puno ovih tema, vjerujte nije dovoljno ni deset minuta, ni ove tri, ali eto šta ćemo, Poslovnik je takav, moramo ga poštivati. Na kraju sam govorio i često sam to i ranije spominjao, ne ovdje nego na drugim mjestima, da je možda ovo najveća poštast kod mladih ljudi sistem obrazovanja i sistem sumnjivih privatnih fakulteta. Na žalost ti ljudi postaju konkurentni na tržištu rada sa drugom našom djecom koja završavaju fakultete, a mi sada imamo situaciju da to legaliziramo kroz potvrđivanje ovdje ministara u Vladi Kantona Sarajevo. Moramo voditi računa koje ljude donosimo, ko će nam biti ministar saobraćaja. Pa valjda to mora biti neko ko je radio u toj struci, ko barem nešto poznaje. Kako ćemo provoditi reforme. Ja ni protiv jednog čovjeka ovdje, odmah da znate nemam lično. Nikoga ne poznajem lično od ovih ljudi i nemam apsolutno ništa lično protiv ovih ljudi. Jednog ministra poznajem, zajedno smo radili. Nikoga lično ne poznajem i molim da se to ima u vidu i držim do digniteta ljudi na način da ovo ništa nije apsolutno personalno. Dovodimo ljude za ministre iz penzije. Pa kakvu poruku šaljemo mladim ljudima? Zar nemamo dovoljno mladih potentnih ljudi željnih dokazivanja, punih ambicija da vode ova Ministarstva. Zar nemamo u Sarajevu dekana, profesora drugih sposobnih ljudi koji će moći provoditi ovu reformu. Pa šta znači provoditi reformu, pa tu treba prilaziti studiozno i dubiozno. A na ovakav način provoditi reformu a ljudi nisu ni svjesni sadašnjeg stanja, trebat će im dvije godine da vide sadašnje stanje u kome se nalazimo. Premijer je, odnosno kandidat za premijera je govorio o odlasku mladih i o nadi. Pa kako neće odlaziti premijeru i kakvu im nadu nudite kada ste prihvatili ovo danas što ste prihvatili i š to ste nam predložili. Kažete u svom izlaganju da se ljudima politika zgadila. Pa ne bih baš rekao, evo vidim ovih šest stranaka nije im se zgadila nego ste prihvatili da obnašate ove funkcije. Govorite da će sve ići na konkurs sada. Pa naravno da će ići kada je Vlada FBiH predložila Zakon da sve ide na konkurs i kada je Federalni parlament to usvojio. Sada se mora po Zakonu ići na konkurs u svakom javnom preduzeću. Kolega Mahir je govorio da li su ovi ranije vaši ministri koje sada predlažete primljeni po konkursima.

Predsjedavajući:

tri minute istekle, kolega Čampara, zahvaljujem na vašoj drugoj diskusiji. Riječ ima zastupnik Sabahudin Delalić.

Poslanik/zastupnik Sabahudin Delalić:

zahvaljujem predsjedavajući. Mislim da me u pitanju nije razumio, ja sam gospodina Fortu pitao da li je tačno da se u pregovorima dogovarali da se Ministarstvo za boračka pitanja ukine. Nisam govorio na današnjem Ekspozeu. Još ću ga jedno napomenuti kada je rako ukinut ćemo listu čekanja u predškolskim ustanovama. Vrlo se dobro sjećam ovdje smo sjedili imali smo sporazum između opštine Novi Grad za vrtić Vjeverica. Pa eto ja bih da se malo prisjetimo ko je glasao, i ko nije glasao, i ko nije podržao. Ne može se na taj način riješiti ovo pitanje. Ako misli samo sa privatnim vrtićima riješiti ovo pitanje boga mi se grdno vara a ko ne popravimo ono što treba popraviti i što smo radili čitavo ovo vrijeme. Zahvaljujem.

Predsjedavajući:

hvala kolega Delaliću. Pošto nema više prijavljenih ja zaključujem ovu raspravu i pozivam službu da pozove zastupnike u salu. Tu su svi.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O POTVRĐIVANJU VLADE KANTONA SARAJEVO U CJELINI, U SKLADU SA ČLANOM 205. STAV (1) POSLOVNIKA SKUPŠTINE KANTONA SARAJEVO.

Glasati možete sad. Još jedan reset, ako nema reseta. Evo ga. Još jednom ponovite glasanje, nešto vam nije u redu danas. Molimo glasajte sad. Opet neće. Da ne bi smo pravili prekide, dakle predlažem aklamacijom da se izjasnite, služba molim da prebrojite.

IZJAŠNJAVAMO SE O PRIJEDLOGU ODLUKE O POTVRĐIVANJU VLADE KANTONA SARAJEVO U CJELINI, U SKLADU SA ČLANOM 205. STAV (1) POSLOVNIKA SKUPŠTINE KANTONA SARAJEVO.

Ko je za? Molim da dignu ruku oni koji su suzdržani. I molim da dignu ruku oni koji su protiv.

Molim službu da nam saopšti rezultat.

ZA JE GLASALO 24 ZASTUPNIKA, PROTIV 10.

KONSTATUJEM DA IMAMO NOVU VLADU KANTONA SARAJEVO.

DAKLE SKUPŠTINA JE DONIJELA ODLUKU O POTVRĐIVANJU VLADE Kantona Sarajevo U SASTAVU KOJI JE I PREDLOŽEN.

Molim članove Vlade, uvažene ministrice i ministre, da pristupe davanju Svečane izjave. Molim zastupnike da ustanu, prisutne u sali također.

„SVEČANO IZJAVLJUJEM DA ĆU POVJERENU DUŽNOST OBAVLJATI SAVJESNO, PRIDRŽAVATI SE USTAVA I ZAKONA BOSNE I HERCEGOVINE, FEDERACIJE BOSNE I HERCEGOVINE I KANTONA SARAJEVO, ZALAGATI SE ZA LJUDSKA PRAVA I SLOBODE I DA ĆU U SVIM PRILIKAMA ŠTITITI INTERESE BOSNE I HERCEGOVINE, FEDERACIJE BOSNE I HERCEGOVINE I KANTONA SARAJEVO I RAVNOPRAVNOST NARODA I GRAĐANA KOJI U NJIMA ŽIVE“.

Molim zastupnike da zauzmu svoja mjesta, nastavljamo rad Skupštine. Molim goste da sjednu ili izađu. Molim medije da zauzmu svoja mjesta. Molim službu da pozove zastupnike u salu. Molim novu Vladu da zauzme svoja mjesta u sali.

Imamo jednu malo neuobičajenu situaciju Pitanja i inicijative. Vlada je tek sjela pa apelujem da zaista samo ono što je nužno danas delegirate kao pitanja i inicijative kako bi smo završili dnevni red ove sjednice. Imam najavu da nekoliko zastupnika hoće postaviti pitanje ili inicijativu a da većina neće. Molim još jednom da se smirite s čestitanjima. Novu Vladu da zauzme svoja mjesta.

Prije nego što nastavimo rad molim kolegicu Samru Ćosović-Hajdarević da se prijavi jer je u ovoj specifičnoj situaciji da na ovakav način čestita novoj Vladi izrazila potrebu pa smo naravno se dogovorili da to ovim putem uradi. Izvolite kolegica Samra Ćosović-Hajdarević.

Poslanik/zastupnik Samra Ćosović-Hajdarević:

zahvaljujem. S obzirom da moja marama nalaže rukovanje i čestitanje ne priliči mi i ne rukujem se sa muškim spolom, želim stvarno da ministra čestitam i evo kolegicama ministrice možemo kasnije i uživo. Hvala što ste mi izašli u susret.

Predsjedavajući:

hvala vama puno na ovoj lijepo gesti. Dakle za pitanja i inicijative ima riječ, pitanja i inicijative jeste li vi se prijavili za pitanja i inicijative. Apelujem zaista zastupnici da skratimo da brzo završimo ovu jer nas čeka još jedna sjednica danas popodne. Hvala.

POSLANIČKA/ZASTUPNIČKA PITANJA, INICIJATIVE I ODGOVORI

Poslanik/zastupnik Samra Ćosović-Hajdarević:

zahvaljujem. Radi se o inicijativi. Podnosim inicijativu da se ulica Radićeva, općina Centar Sarajevo preimenuje u ulici Lorda Pedija Ešdauna. Želim samo kratko da obraožim. Kao što znamo 22.12.2018 godine u 77 godini života napustio nas je veliki čovjek i veliki prijatelj BIH gospodin Pedi Ešdaun. Lord Pedi Ešdaun je obnašao funkciju visokog predstavnika Međunarodne zajednice u BIH u periodu od 2002-2006 godine koji je obilježen kao period snažne implementacije civilnog aspekta Dejtonskog mirovnog sporazuma, integracije države, izgradnje državnih institucija, provedbe reformi i period snažnog razvoja državnosti BIH. Gospodin Pedi Ešdaun je do momenta svoje smrti bio trajno opredijeljen za BIH, u prilogu tome govore njegove diskusije u Domu lordova, njegove izjave diplomatske akcije, ali i pismo koje u posljednjim danima svoga života zajedno sa Kristijanom Švaršilinog i Karlom Biltom uputio Visokoj predstavnici EU za vanjske poslove i sigurnosti u kojem je izrazio svoju čvrstu podršku u suverenitetu BIH, te upozorio EU na miješanje RH u unutrašnja pitanja BIH. Ja bih samo citirala njegovo govor: „Ovo je predivna zemlja koja ima potencijal i bogata je talentiranim ljudima kao i bilo koja druga u Europi. Ja vjerujem u BIH, ali ono što je zaista važno je da i vi vjerujete u sebe jer ako je tako, onda vam obećavam da bez obzira koliko dugo to trajalo uspjete”. Pa evo reći ću, mi vjerujemo u sebe gospodine Ešdan, radi ljudi poput vas, radi Rezolucije o genocidu u Srebrenici koju je Velika Britanija uputila UN-u, radi stalne podrške izgradnji i naše države i njenom reformskom putu, vjerujemo i u prijateljsku Veliku Britaniju. Stoga neka ova inicijativa za koju sam osjećala ljudsku, moralnu ali i političku obavezu kada se realizira bude trajna uspomena na velikog čovjeka i velikog prijatelja BIH ali i залог za budućnost prijateljskih odnosa BIH i Velike Britanije. Zahvaljujem. I ja bih ako može zamolila bih službu pošto nisam iz Općine Centar inicijativa da se proslijedi Opštinskom vijeću.

Predsjedavajući:

ne brinite, naravno, vi dostavljate nama a mi prosljeđujemo kome je naslovljeno. Kolegica Segmedina Srna Bajramović ima riječ.

Poslanik/zastupnik Segmedina Bajramović Srna:

zahvaljujem predsjedavajući. Pozdravljam sve prisutne i naravno iako smo svi već pojedinačno čestitali evo iskoristit ću priliku da čestitam premijeru Edinu Forti i novom sazivu Vlade Kantona Sarajevo i da im zaželim uspješan rad u periodu koji je pred nama. Potpuno razumijem da je pun važnog posla ispred i hvala vam za razumijevanje. Nekako ovo pitanje koje sam pripremila više je bilo upućeno ministru Kazazoviću da nam pojasni neke stvari ali s obzirom na to da roditelji djece čija djeca pohađaju predškolski odgoj u Edusu o kojem smo već jako puno govorili, gledaju nas, očekuju da nešto poduzmemo, ovo je jedno od pitanja koje delegiram ustvari novom sazivu, novoj parlamentarnoj većini i naravno Vladi Kantona Sarajevo i vjerujem da postoji spremnost da se o istom prioritetno pozabavimo. Dakle ono što sam željela pitati ministra Kazazovića da nas izvijesti o konkursu kojim je Vlada Kantona Sarajevo 20.09. odobrila upošljavanje 58 uposlenika u Centru Vladimir Nazor čijim se angažmanom trebao zadovoljiti kadrovski i prostorni kapacitet za rad s djecom za koje su njihovi roditelji predali zahtjev za ranu intervenciju. Moje pitanje u vezi pomenutog konkursa budući i to očekujem naravno od novoimenovane ministrice obrazovanja, gospođe Zinete Bogunić, da se aktivno uključi u ovo, i očekujem da hoće i sigurna sam da hoće. Dakle, budući da ovaj konkurs mora biti u skladu s pravilnikom zaposlenika u radni odnos u predškolskim ustanovama u osnovnim i srednjim školama kao JU na području Kantona

Sarajevo, kao jedan od preduslova za raspisivanje javnog konkursa propisano je da su osigurana sredstva u budžetu Kantona Sarajevo i pribavljena prethodna saglasnost Vlade Kantona Sarajevo ukoliko se radi o novom radnom mjestu utvrđenom nastavnim planom i programom i pedagoškim standardima i normativima. Koliko mi je poznato za ove pozicije nisu bila osigurana sredstva u Nacrtu budžeta ko ji je dva puta povučen ranije i očekujem naravno da se ova sredstva planiraju. Šta je do sada uradila interesorna grupa također važno pitanje vezano za ovaj problem za sistemsko rješavanje pitanja programskih, prostornih i kadrovskih rješenja za djecu s poteškoćama u razvoju u specijalnim javnim ustanovama u Kantonu Sarajevo. Koliko puta su se sastajali? Koliko javnih sredstava potrošeno za interesornu grupu i ko čini interesornu grupu da se još jednom podsjetimo i zamolila bih Kantonalnu upravu za inspekcijske poslove da na osnovu člana 17. stav 3) pravilnika za prijem zaposlenika u radni odnos u predškolskim ustanovama osnovnim i srednjim školama kao javnim ustanovama na području Kantona Sarajevo izvrši inspekcijski nadzor nad sprovedenim konkursom i utvrdi zakonitost istog uz molbu svima moji dopise koje smo dobili od Edusa i zabrinutih roditelja u kojima se detaljnije obrazlaže pomenuti problem. Zahvaljujem.

Predsjedavajući:

zahvaljujem kolegice Segmedina Srna Bajramović, zastupnica Bibija Kerla.

Poslanik/zastupnik Bibija Kerla:

pa s obzirom da sam ja već dala podršku novoj Vladi sada upravo koristim priliku i da čestitam i želim uspješan rad. A što se tiče današnjih pitanja imam dva pitanja i jednu inicijativu. Prvo pitanje se odnosi na Ministarstvo komunalne privrede Kantona Sarajevo. Da li je voda na lokalitetu Krivoglavci općini Vogošća ponovo a piće i drugu tehničku upotrebu. Obrazloženje. Dana 17.12.2018 godine u sklopu redovne analize vode na lokalitetu Vodovoda Krivoglavci uzet je uzorak vode od strane Zavoda za javno zdravstvo Kantona Sarajevo. Nakon mikrobiološke analize vode ustanovljeno je da ispitani uzorci vode na ovom lokalitetu vodovoda ne odgovaraju prema Pravilniku o zdravstvenoj ispravnosti vode za piće a koje stoji u Službenim novinama broj 40/10, 30/12 i 62/17. U vodi sa lokalnog vodovoda Krivoglavci pronađene su bakterije i klice koje štetno utiču na zdravlje korisnika a prisustvo istih vidljivo je iz dosadašnjih izvještaja o mikrobiološkom ispitivanju vode a koji je putem faksa proslijeđen opštini Vogošća dana 20.12.2018 godine u poslijepodnevnim satima. Obzirom da ovakva voda nije za piće i drugu tehničku upotrebu mole se korisnici da istu ne upotrebljavaju sve do obavijesti o higijenskoj ispravnosti vode koja će biti dostavljena od strane Zavoda za javno zdravstvo Kantona Sarajevo. Uz to prilažem i Izvještaj o mikrobiološkom ispitivanju vode i molim pismeni odgovor s obzirom da je nova Vlada tek stupila na snagu.

Moje drugo pitanje odnosi se na Ministarstvo saobraćaja Kantona Sarajevo. Da li je riješeno pitanja prevoza žitelja padinskih dijelova grada Sarajeva?

Obrazloženje:

Svjedoci smo da stanovništvo padinskih dijelova grada Sarajeva mjesecima nije imalo prevoza iz centra grada do mjesta stanovanja. Interesuje me da li je taj saobraćaj ponovo normalizovan i ko vrši usluge prevoza na padinskim dijelovima grada Sarajeva? Također pismeni odgovor.

Što se tiče moje inicijative, pokrećem inicijativu da se plato Skenderije ubuduće zove trg Dzenana Memića

Obrazloženje:

Sarajlija Dženan Memić je ubijen 8. februara 2016. u Veliko aleji na Ilidži kad je stradao pod nikad razjašnjenim okolnostima. Do sada smo bili svjedoci velikog broja demonstracija protiv ovoga ubistva i mislim da je krajnje vrijeme da ime ovoga momka dobije svoje mjesto u

ovome gradu. Mislim da bi ovo trebalo da dođe na Vladu i tek na idućoj sjednici ja bih tražila izjašnjenje naših zastupnika o inicijativi. Hvala lijepa.

Predsjedavajući:

zahvaljujem zastupnice Kerla. Zastupnica Junuzović-Kaljić:

Poslanik/zastupnik Amra Junuzović-Kaljić:

zahvaljujem predsjedavajući. Uz srdačne čestitke novoizabranoj Vladi i sa željom da uspješno i efikasno rade. Imam dvije inicijative u najkraćem kako bi smo išli u što efikasniji rad. Inicijativa prva se odnosi na uvrštavanje projekata u Nacrt budžeta Kantona Sarajevo za 2019 godinu. Dakle molim vas da u Budžet Kantona Sarajevo za kalendarsku 2019 godinu uvrstite projekte sanacije, asfaltiranja i rekonstrukcije vodovodne i kanalizacione mreže sa područja Općine Stari Grad Sarajevo kako je navedeno u prilogu pismeno to prati. Neophodnost izvođenja predmetnih radova na pobrojanim lokalitetima utvrđena je nakon obavljenih konsultacija sa ovlaštenim predstavnicima MZ općine Stari Grad Sarajevo te je po obavljenom uviđaju na licu mjesta od strane stručnih lica nadležnih općinskih službi za upravu Općine Stari Grad. Uz inicijativu prilaže se taj dokument koji i nabroja sve te ulice koje bi trebalo, dijelove kanalizacione mreže koja bi trebala da se rekonstruira. Druga inicijativa, odnosi se na izmjenu Zakona o preuzimanju, izmjenama i dopunama Zakona o zakupu Poslovnika zgrada i prostorija. To je Zakon koji je objavljen u Službenim novinama 14/97, 29/09, 40/15. dakle na osnovu analize i kroz praktičnu primjenu Zakona dajem rijeđlog izmjene Zakona o preuzimanju i izmjenama i dopunama Zakona o zakupu poslovnih zgrada i prostorija. Osnovna namjera predloženih izmjena jeste da se reguliše predmetna oblast na način na koji bi se izbjeglo da zbog dugotrajnosti i složenosti postupka pri konkretno primjeni postojećeg Zakona imamo neefikasne procedure koje u svojoj krajnjoj instanci idu u prilog zakupcima koji se ponašaju suprotno preuzetim obavezama, odnosno ponašaju se kao vlasnici poslovnih prostora. Ovu inicijativu prati upravo pismeno obrazloženje. Hvala vam lijepo.

Predsjedavajući:

zahvaljujem zastupnice Junuzović-Kaljić. Riječ ima zastupnik Zvonko Marić.

Poslanik/zastupnik Zvonko Marić:

i ja neću propustiti priliku da čestitam premijeru i ministrima na imenovanju i želim da imaju uspješan rad u danima koji nam predstoje. Ja ću odustati od pitanja naravno radi racionalnosti rad ove institucije ali ću pokrenuti dvije inicijative koje su čini mi se veoma važne. Budući da je odluka Ministarstva prostornog uređenja izazvala puno nedoumica, puno konfuzije, a dodatna pojašnjenja još zakomplicirala stanje što govori o tome d anisu o tome na pravilan način procijenili kako da donesu odluke.

Na osnovu člana 213. Poslovnika Skupštine Kantona Sarajevo podnosim inicijativu da Skupština Kantona Sarajevo sukladno sa članom 119. i 120. Poslovnika Skupštine Kantona Sarajevo donese sljedeći zaključak:

- 1.Stavlja se van snage upozorenje broj 05/03-23-37335/18 od 13.11.2018. godine u kojem Ministarstvo prostornog uređenja, građenja i zaštite okoliša Kantona Sarajevo zahtjeva od etažnih vlasnika dostavljanje dokaza o etažnom vlasništvu u skladu sa članom 50. stav (9) Zakona o upravljanju zajedničkim dijelovima zgrade (Službene novine KS broj 19/17)
- 2.Rok za dostavljanje iz gore pomenutog upozorenja se prolongira dok ministarstvo ne pronade rješenje za nedoumice po pitanju načina izvršenja člana 50. stav (9), pitanja zaštite ličnih podataka i slično...
- 3.Zbog toga što je nastao problem u provođenju gore pomenutog upozorenja nijedan etažni vlasnik ne smije biti kažnjen zbog nedostavljanja dokaza o etažnom vlasništvu

4. Nalaže se Ministarstvu da u roku od 2 mjeseca pronade najlakše rješenje ovog pitanja tako što neće izlagati etažne vlasnike dodatnom trošku, ukoliko je potrebno i da predloži izmjene i dopune postojećeg zakona, kao i podzakonskih akata.

Ovom prilikom obavještavam javnost i građane da o svim problemima koji se javljaju u oblasti upraviteljstva mogu pismeno obavijestiti Komisiju za prostorno uređenje, stambeno-komunalnu politiku, infrastrukturu i zaštitu okoliša Skupštine Kantona Sarajevo u ulici Reisa Džemaludina Čauševića broj 1.

I jedna mislim korisna inicijativa, i vi ste predsjedavajući govorili u nekoliko navrata o tome i slagao sam se sa svima onima koji su govorili o ovom pitanju.

Na sjednici Vlade Kantona Sarajevo 13. decembra 2018. godine Vlada KS je iznos od 300 hiljada KM iz budžeta Ministarstva obrazovanja, nauke i mladih Kantona Sarajevo preraspodijelila sredstva za Projekat vodosnabdijevanja dolazne stanice žičare na Vidikovcu, što je svojevrsni skandal.

Vodosnabdijevanje dolazne stanice i budućeg hotela ne smije biti prioritet naspram obrazovanja djece sa poteškoćama u razvoju kojima niste obezbjedili dovoljan novac za njihove projekte koji su od krucijalnog značaja i predstavljaju svojevrsno nasilje nad ovom osjetljivom kategorijom našeg društva, stoga predlažem:

Predsjedavajući:

kolega Mariću vrijeme već je 30 sekundi skratite molim vas.

Poslanik/zastupnik Zvonko Marić:

evo samo da član citiram i ništa drugo. Na osnovu člana 213. Poslovnika Skupštine Kantona Sarajevo predlažem da se taj novac vrati u Ministarstvo obrazovanja i raspodijeli na udruženja Kolibri i Edus u iznos od po 150.000 KM. Hvala puno.

Predsjedavajući:

kolegica Admela Hodžić.

Poslanik/zastupnik Admela Hodžić:

zahvaljujem. Koristim priliku da čestitam novoizabranoj Vladi i poželim uspješan rad. Ovako, imam jednu inicijativu. Podnosim inicijativu za hitno stavljanje van snage Pravilnika sa kriterijima za prijem u radni odnos u predškolskim ustanovama, osnovnim i srednjim školama kao JU na području Kantona Sarajevo. Obrazloženje: član 6 koji tretira radni staž. Član 6. Pravilnika koji je stupio na snagu 08.10.2017 godine najgrublje se njim krše osnovana ljudska prava i najgrublje diskriminiraju građani koji se prijave za konkurs za prijem u radni odnos u ustanovama odgoja i obrazovanja u predškolskim ustanovama, osnovnim i srednjim školama Kantona Sarajevo. A odnosi se na sljedeće: kandidat koji konkuriše za posao u ustanovi po osnovu radnog staža za svaki navršeni mjesec dobija sljedeći broj bodova, u ustanova odgoja i obrazovanja na poslovima koji odgovaraju stručnoj spremi radno mjestu predviđenom pravilnikom u unutrašnjoj organizaciji i sistematizaciji radnih mjesta koji se traži konkursom 0.25 bodova. U ustanovama odgoja i obrazovanja na Poslovnika nastavnika, profesora, odgajatelja, stručnog saradnika, saradnika, pomoćnika direktora, ili direktora 0.20 bodova. Izvan ustanove odgoja i obrazovanja nakon stjecanja stručne spreme predviđen je pravilnikom o unutrašnjoj organizaciji i sistematizaciji radnih mjesta koji se traže konkursom 0.05 bodova. U ustanovi koji se boduje još 0.10 bodova. Prema važećem Pravilniku osoba koja se prijavi na konkurs a koja je svoje radn iskustvo stekla van ustanove odgoja i obrazovanja za 12 mjeseci radnog staža sa diplomom VSS dobit će 0.60 bodova. Dok će osoba sa istom diplomom sa 12 rada u ustanovi odgoja i obrazovanja dobiti 2.40 bodova plus 0.10 bodova za svaki navršeni mjesec u ustanovi u kojoj se boduje. Na ovakav način bodovat će se stručni saradnici, saradnici, nastavnici, učitelji koji silom prilika rade neke druge

poslove da prehrane porodice. Njihove kolege koje imaju više sreće i rade u ustanova odgoja i obrazovanja novim pravilnikom uvijek dobiju više bodova za isti radni staž i uvijek će imati veliku prednost za posao zbog toga što njihov rad vrijedi četiri puta više. Na ovakav način boduje se i domar i čistačice sigurno zbog toga što manje čiste u drugim firmama. Na osnovu koje ekspertize ste zaključili da naše godine radnog staža vrijede manje. Da li mislite da vas niko neće tužiti za diskriminaciju i ko će snositi odgovornost i nadoknaditi štetu ukoliko do toga dođe. Molim vas da mi odgovorite u pisanoj formi na čiji prijedlog je ovakav Pravilnik predložen i na koji način je donesen. Molim nadležne da što prije stave van snage ovakav pravilnik. Zahvaljujem.

Predsjedavajući:

zahvaljujem kolegice Hodžić. Zastupnica Vildana Bešlija riječ.

Poslanik/zastupnik Vildana Bešlija:

hvala predsjedavajući. Naravno čestitke novoj Vladi ne bih da dužim i iskreno razmišljala sam da li da se uopšte javim po ovom pitanju a ustvari tiče se inicijative oju sam postavila na prošloj sjednici i koju su vrlo sličnu imali evo i sada i tada kolegica Segmedina Srna i kolega Marić. Međutim, s obzirom da je kratak rok, s obzirom da je danas već 26 decembar, da smo imali odluku Ministarstva i ljudi koji su do maloprije sjedili tu na način na koji su to uradili, koji nije bio kako treba, tražili smo prvenstveno ja da se taj rok za dostavljanje upraviteljima, odnosno od etažnih vlasnika produži za 25 dana itd sada imamo već jednu malo drugačije formulisanu inicijativu da se to uopšte i stavi van snage. Meni je posebno važno da pošaljemo jasnu poruku građanima šta smo odlučili danas jer je 26 decembar jer nismo konkretan odgovor dobili ni ranije. Znači ako se slažemo s tim da se to povuče da se odmah građani adekvatno i putem sredstava informisanja obavijeste. Da se zaduže upravitelji da skinu sve prethodno postavljene obavijesti u haustorima zato što to onda evidentno nije više na snazi i da se ukloni to i da se na isti način obavijeste kao što dostavljaju račune građani i onome šta ćemo raditi u budućem periodu po ovom pitanju. Znači samo tražim promptnu reakciju na već postavljenu inicijativu prošli put.

Predsjedavajući:

zahvaljujemo kolegice Bešlija.

Poslanik Dževad Poturak:

zahvaljujem predsjedavajući. Ja ću se priključiti čestitkama novoizabranoj Vladi i želim im uspješan rad. S druge strane svjedoci smo u proteklih šest mjeseci a možda i u dužem periodu da je povećan stepen kriminala na ulicama Kantona Sarajevo i ja ovom prilikom pokrećem inicijativu da policija Kantona Sarajevo radi više na preventivnim mjerama na suzbijanju kriminala u Kantonu Sarajevo. Tražim veće prisustvo policajaca, ja sam isto jedan od ljudi koji kreće se ovim kantonom uzduž i poprijeko i stvarno sam sretan kada dođem u susret sa policijom i vidim ih na svakom koraku. Međutim to se dešava isključivo onda kada se desi neki veći problem na Kantonu Sarajevo i onda se pojave policajci. Međutim šta je do tada ja se pitam ko je sljedeći i ko će se sljedeći od nas naći u problemu i u sudaru sa kriminalom. Hvala.

Predsjedavajući:

zahvaljujem kolega Poturak. Zastupnik Zvonko Marić ima intervenciju.

Poslanik/zastupnik Zvonko Marić:

zahvaljujem predsjedavajući. Ovo što je kolegica Bešlija rekla i kolegica Segmedina Srna mi smo razgovarali i prošli put. Žao nam je što oni nisu koji su uzrokovali ovu konfuziju tu ali

volio bih da se izjasnimo i kako kaže kolegica Bešlija pošaljemo jasnu poruku građanima o ovim inicijativama. One će sada biti podijeljene zastupnicima štampane pa ako je moguće malo strpljenja da se odmah izjasnimo o ovoj našoj mjeri kako bi spriječili daljnju konfuziju iona pojašnjenja koja su dolazila iz Ministarstva građenja. Ako je moguće...

Predsjedavajući:

hvala kolega Mariću. Mislim da bi smo mogli ući u problem sa eventualno nekim dijelom Zakona koji ovo propisuje. Možda bi bolja procedura bila da ovu proceduru hitno prosljedimo novom ministru, on da hitno reaguje i da pokrene hitno izmjene i dopune tog dijela Zakona a da se javnost obavijesti da će Skupština u novom sazivu imati drugačiji stav po ovom pitanju. Bojim se da nam zaključak ne bi ušao u problem sa zakonom na koji se pozivalo Ministarstvo. Tako vas molim za malo strpljenja a naravno ministar može već sada djelovati, može od sutra sugerisati službama, uputiti pismo novo, zaustaviti to, prolongirati na određeni period a da onda vašu inicijativu podržimo izmjenu ovog dijela Zakona.

Poslanik/zastupnik Zvonko Marić:

zahvaljujem predsjedavajući. Slažem se. Ali zaista sam se pozvao na neke članove Zakona koji omogućavaju tako nešto i mislim da mi nemao zapreka za to. Međutim ako cijeni većina ljudi da je to možda bolji, ispravniji put ja nisam pravni ekspert, ali mislim da isto tako mislim za ovu drugu inicijativu ova sredstva od 300.000 KM ako hoćete možemo da se izjasnimo, i ako postoji zakonska zapreka onda da na isti način delegiramo resornom Ministarstvu kako bi se poduzeli koraci i vratio ovaj novac koji je rekao bih nesmotreno ili zlonamjerno upućen ili iz nekih interesnih pobuda za projekat koji nama nije bitan toliko.

Predsjedavajući:

za ovu drugu vas potpuno podržavam. Plašim se da smo zakasnili jer je Vlada vjerovatno radeći ove preraspodjele odmah doznačila sredstva, vjerovatno govorim i ne treba nam nikakva, evo mi vam obećavamo da ćemo novo Ministarstvo finansija i Vlada odmah reagovati da se ove preraspodjele sporne zaustave ukoliko stignu. Bojim se da neće. A za ovu prvu onda smo se evo dogovorili da ministar je danas čuo inicijativu kolege Marića. Hitno ćemo mu je dostaviti. Premijer i ministar će poduzeti aktivnosti, a one će vjerovatno značiti hitne izmjene Zakona o ovom dijelu. Hvala. Kolega Damir Nikšić se javio, izvolite.

Poslanik/zastupnik Damir Nikšić:

da čestitam isto Vladi i ja bih samo htio da zamolim buduću Vladu i nas ovdje u Skupštini da obratimo pažnju na ovo što smo danas imali jer s jedne strane smo imali diskriminaciju građana i kako se to kaže, stvaranje građana prvog i drugog reda u gradu Sarajevu što već traje više od 20 godina i ja sam svjedok tome. Htio bih da se ova Skupština i ova Vlada potruži da toga više ne bude. S jedne strane je bila kritika pozivali smo na Europsku konvenciju ljudskih prava na građansko društvo, na građanski Kanton, da bi trebali da uvažimo i 40% pola u ovom slučaju žena u Vladi i nacionalni sastav i kada je premijer Forto rekao da će se raditi na klimi nije se to dobro razumjelo, a ja bih volio da se razumije da to bude zadatak ove Skupštine i da s radi na toj klimi jer sama klima u Sarajevu naročito počevši od toga ko je gdje bio 92, 95, 96, je otjerala mnoge druge iz ovog grada i mi nemamo dovoljno ni Srba ni Hrvata, nikoga ko bi htio da pomogne ovom gradu. Bio je negdje školovao se, možda bi se vratio, možda bi nešto napravio. Radi takve klime i radi takvog mentaliteta koji je opasan za ovaj grad i podsjećam i dobro je kolega Čampara treba da bude kozmopolitski. I u tome grmu leži zec i ovoga popisa iz 91 i popisa iz 2013 i toga da li mi imamo dovoljno Srb i Hrvata da ide za federalni parlament. Dakle sve potiče od te klime među građanima. I ja bih volio da mi radimo na toj klimi jer ja nemam namjeru da se osjećam građaninom drugog reda u gradu Sarajevu dalje, ni jedan dan dalje, počevši evo da obznamim

od danas, i ja bih volio da me podržite u tome, mene kao građanina i kao parlamentarca ovdje i da mi neko obeća, ili da zajedno obećamo ili da se dogovorimo da će to biti jedan od prioriteta u ovom gradu koji je glavni grad BIH, glavni grada F BiH, i da ćemo koristiti medije ili školstvo, obrazovanje i sve to da radimo, naročito ovaj medij koji pripada KTV da širi takve vibracije i takvu klimu u Kantonu Sarajevo. I ja bih eto molio da razumijete koliko sam osjetljiv na te stvari jer živim već duži vremenski period kao građanin drugog reda. Moji roditelji su bili građani drugog reda na Grbavici tokom rata, a ja sam 20 godina i više građanin drugog reda ovdje u Sarajevu i mogu posvjedočiti to pred bilo kakvim sudom za ljudska prava. A nisam i neću da ulažem neke tužbe već bih volio odavde da poradim na tome da mi pomognete i da svi zajedno uradimo tu stvar da ovo bude grad za sve Bosance i Hercegovce, za sve nas. Hvala.

Predsjedavajući:

hvala kolega Nikšiću. Time smo iscrpili i ovu tačku i dnevni red današnje 2. redovne sjednice. Molim vas za malo pažnje. Konsultacije šefova klubova, premijera ćemo imati u sali 100 sada, kako bi smo dogovorili održavanje hitnog Kolegija, održavanje sjednice Vlade, održavanje hitne sjednice Skupštine Kantona Sarajevo. Planirajte zastupnici da će ona biti sazvana u 16,30 jer je prije toga potrebno, imate vremena za ručak. U 16,30 bit ćete obaviješteni mailovima, SMS, telefonima, situacija je vanredna i molim vas da u 16,30 planirate održavanje hitne sjednice. Do tada konsultacije u sali 100, šefovi klubova, premijer. Hvala.